

摘藻堂四庫全書薈要

經部

欽定四庫全書會要

經部

周易會通卷五

詳校官祭酒臣韋謙恒



欽定四庫全書薈要卷四百二十五

經部

周易經傳集程朱解附錄纂註卷五

元董真卿撰



先上下集解程子曰臨序卦有事而後可大故受

所大矣故受之以臨也韓康伯云可大之業由事而生

岸也與水相際臨近乎水故為臨天下之物密近一作

通相臨者莫若地與水故地上有水則為比澤上有地

則為臨也臨者臨民臨事凡所臨臨元亨利貞○音訓
皆是在卦取自上臨下臨民之義臨元亨利貞○音訓
曰如字坤集解程子曰以卦才言也臨之道附錄朱子
宮二世卦集解如卦之才則大亨而正也附錄語問

臨字非特是上臨下之謂凡進而迫近者皆謂之臨否
曰然此是二陽自下而進上則知凡相迫近者皆為臨

也學

至于八月有凶集解

程子曰二陽方長於下陽道嚮盛之時聖人豫為之戒曰

陽雖方盛至於八月則其道消矣是有凶也大率聖人
為戒必於方盛之時方盛而慮衰則可以防其滿極而
圖其永久若既衰而後戒亦无及矣自古天下安治未
有久而不亂者蓋不能戒於盛也方其盛而不知戒故未
徂安富則驕侈生樂舒肆則綱紀壞忘禍亂則釁孽萌
是以浸淫不知亂之至也○朱子曰臨進而陵逼於物
也二陽浸長以逼於陰故為臨十二月之卦也又其為
卦下兌說上坤順九二以剛居中上應六五故占者大
亨而利於正然至於八月當有凶也八月謂自復卦一
陽之月至于遯卦二陰之月陰長陽遯之時也或曰八
月謂夏正八月於卦為觀亦附錄程子語臨言八月有
臨之反對也又因占而戒之附錄程子語臨言八月有

當其剛浸長之時便戒陰長之意行己。○朱子語問至
于八月有兩說前說自復一陽之月至遯二陰之月陰
長陽遯之時後說自泰至觀觀二陽在上四陰在下與
臨相反亦陰長陽消之時二說孰長曰前說是周正八
月後說是夏正八月恐文王作卦纂註蔡氏曰臨與遯
辭時只周正紀之不可知也
月則遯為建未之月也自臨之初爻至遯之二爻在卦
經八爻於月經八月剛柔皆變臨盡消矣故曰至于八
月有凶。○李氏舜臣曰陽生于子終于己陰生于午終
于亥故一陽復十一月至己為乾則陽極陰生一陰始
五月二陰遯六月三陰否七月四陰觀八月方建丑月
卦為臨二陽寢長逼四陰當此之時陽勢方盛至于八
月建酉卦為觀四陰寢長逼二陽則臨二陽至觀危矣
故曰至于八月有凶所謂至于八月有凶者言之于臨
則當自臨數而不當自復數以觀次臨則當數至觀而
不當數至遯臨觀乃陰陽反對消長之常理文王於臨

以八月有凶為戒其義甚著豈可外引遯卦謂周八月
哉且文王演易時猶為商西伯安有未代商已用周正
朔此固不攻自破獨惟陰陽消長之理不言之復而言
之臨意者臨於月為丑則商人之正文王逆知盛衰消
長之數寄之於易謂今雖盛大臨人之勢後且有終凶
必然之理托為萬世戒其意微矣○林氏栗曰諸儒謂
八月周建未之月案春秋書王正月冬十有一月詩云
四月維夏六月徂暑七月流火皆夏時也蓋四時之序
十二月之名冬不可為春夏不可為秋所謂三代不相
沿襲者但以十一月十二月為歲首耳太甲惟元祀十
有二月乙丑武王十有一年一月戊午秦漢元年冬十
月是其例也○雙湖先生曰自乾以下元亨利貞占辭
凡七卦乾坤屯隨臨无妄革此臨卦元亨利貞二陽浸
長之占也然一陽復惟曰亨三陽泰惟曰吉亨四陽壯
惟曰利貞五陽夬元亨利貞皆不言何獨臨與乾似也
豈非元則一陽初動自二陽以往皆陽德亨通皆利在

貞正乎七卦除坤卦外皆一陽居下可見矣後儒不作占辭惟以四德論以為乾坤後數卦與諸卦優劣不同

故得具四德誤矣若作占辭方知文王偶於此數卦及之他卦未嘗不可用此占也初九咸臨貞

吉集解

程子曰咸感也陽長之時感動於陰四應於初感之者也此他卦相應尤重四近君之位初得

正位與四感應是以正道為當位所信任得行其志獲乎上而得行其正道是以吉也他卦初上爻不言得位

失位蓋初終之義為重也臨則以初得位居正為重凡言貞吉有既正且吉者有得正則吉者有貞固守之則

吉者各隨其事一作時也○朱子曰卦唯二陽偏臨四陰故二爻皆有咸臨之象初九剛而得正故其占為貞

吉附錄

朱子語問臨初九以剛居正九二以剛居中六四六五以柔順臨下故有相感應之道所以謂

之咸臨否曰是祇問程易作咸感之象如何曰陰必從陽謂咸為感亦是但覺得牽強些此等處皆曉未得如

至臨與敦臨亦相似難分別今只纂註蔡氏曰咸皆也
得如此說此易所以未易看也

柔故曰咸臨○馮氏椅曰以卦義言之以大臨小初九
九二臨四陰也以爻位言之以上臨下六四六五臨初

九二二者也惟其正應而陰陽相感故交相為臨而謂
之咸言其交相感而交相臨也○雙湖先生曰王弼已

訓咸為感諸儒因之然而以二陽方長乃區區感四五
二陰與之相臨置三上不問不亦狹乎故不若訓徧與

皆義見得陽道廣大公溥而且於立卦命爻之義皆得
也○李氏舜臣曰山澤通氣故山上有澤其卦為咸而

澤上有地爻亦謂之九二咸臨吉无不利集解程子曰
咸陰陽之氣相感也

長而漸盛感一作咸動於六五中順之君其交之親故
見信任得行其志所臨吉而无不利也吉者已然如是

故吉也无不利者將然於所施為无所不利也○纂註
朱子曰剛得中而勢上進故其占吉而无不利也

蔡氏曰二與初志同而臨柔故亦曰咸臨○馮氏椅曰初與二象同咸臨占同吉而初貞二无不利則異蓋初位卑而不中故取其正二得中而應君故无不利不言貞位不當也君臣正應以相與故陽之上進羣陰順之所以无六三甘臨无攸利既憂之无咎集解程子曰三不利也臨人者也一而无字以甘說臨下失德之甚无所利也无咎既說又乘二陽之上陽方長而上進故不安而益甘性既危懼而憂之若能持謙守正至誠以自處則无咎也邪說由己能憂而改之復何咎乎○朱子曰陰柔不中正而居下之上為以甘說臨人之象其占固无所利也然能憂而改之則无咎纂註馮氏椅曰无為和說為口也逸人遷善為教深矣纂註舌甘言之象也○虞氏曰无為口坤為土作甘无咎口衙坤故曰甘臨失位乘陽故无攸利无應故憂動成泰故无咎○蔡氏曰又柔而位

不正兌體而迫於剛故以甘說邪佞而臨乎二也然剛
長以正又豈甘說邪佞之所利也能順剛長之正理憂
懼知變不為甘說之態雖咎亦不長也○丘氏曰此文
見君子得時小人媚說取容之狀○李氏舜臣曰彖以
八月有凶警君子爻以既憂无咎戒小人易於君子小
人之際用意深矣○耿氏曰節之九五以中正為甘則
吉臨之六三以不正為甘則无攸利○余氏曰兌本說
也其終多變而為咎為嗟所謂樂之所至哀亦至焉臨
節之三萃之六四至臨无咎集解與下體相比是切臨
上可見也
於下臨之至也臨道尚近故以比為至四居正位而下
應於剛陽之初處近君之位守正而任賢以親臨於下
是以无咎所處當也○朱子曰處得其
位下應初九相臨之至宜无咎者也
附錄朱子語問
居正柔順臨下又有正應臨之極善故謂之至臨曰至
臨无咎未是極好只是與初相臨得切至故謂之至
砥

纂註

趙氏乘曰四以陰居陰而應於初陽至而遂順之至臨也○石氏曰剛勝則柔危柔不失正則得无

咎○楊氏時曰四初皆當位誠意以相與至臨也故无

咎○丘氏曰三四皆陰柔三无攸利而四无咎者三乘

陽而四應陽三位六五知臨大君之宜吉○音訓知陸

不當而四位當也六五知臨大君之宜吉○音訓知陸

如集解程子曰五以柔中順體居尊位而下應於二剛

字也夫以一人之身臨乎天下之廣若區區自任豈能周

於萬事故自任其知者適足為不知惟能取天下之善

任天下之聰明則无所不周是不自任其知則其知大

矣五順應於九二剛中之賢任之以臨下乃己以明知

臨天下大君之所宜也其吉可知○朱子曰以柔居中

下應九二不自用而任人乃知之事而大君之宜吉之

道也纂註南軒張氏曰知臨者豈任察以為明挾暴以為

也纂註剛乎立大中之道使天下得以共行之而已辭

惟能用中于民此所以為大知也。○雙湖先生曰：位剛生明，故曰知三、四、五互離位，亦知象。

上六敦

臨吉无咎集解

程子曰：上六坤之極順之至也，而居臨之終，敦厚於臨也，與初二雖非正應，然

大率陰求於陽，又其至順，故志在從乎二陽尊而應卑高而從下尊賢取善敦厚之至也，故曰敦臨所以吉而无咎。陰柔在上，非能臨者，宜有咎也。以其敦厚於順剛是以吉而无咎。六居臨之終而不取極義，臨无過極，故止為厚義，上无位之地，正以在上言。○朱子曰：居卦之上處臨之終，敦厚於臨吉而无咎之道也，故其象占如此。附錄：朱子語二陽在下，四五皆以正應臨之上，无所在上位却把甘言好語臨在下之君子至臨言其相臨之切敦臨有敦厚之意，淵上六敦臨自是積累至極處有敦篤之義，艮上九亦謂之敦，艮復上六爻不好了，所以只於五爻謂之敦，復居臨之時二陽得時上進陰不

敢與之爭而志與之應小象所謂在內者非謂正應只是卦內與二陽應也此便是好卦不獨說道理自是好

讀所謂卦有大小大辭有林氏栗曰敦厚也坤為厚險易此便是大底卦砥纂註德是謂敦臨○李氏舜臣

曰以厚接物未有不妥故易之爻辭敦復无悔敦艮吉敦臨无咎又曰大凡陽長則陰消君子吉則小人凶此

必然之理臨之二陽方長而上四陰六三既憂之无咎六四至臨无咎六五知臨大君之宜吉上六敦臨吉兩

无咎兩吉何也臨下兌上坤說而順剛中而應故也陽方漸長羣陰順以應之則兩不相傷宜乎下而近者无

咎上而尊者吉也○徐氏曰二剛浸長進逼於柔此雖成卦之體而雜卦又曰臨觀之義或與或求與者又言

上下相與為臨也又辭初二咸臨此下臨上剛臨柔也三甘臨四至臨五知臨上敦臨此上臨下柔臨剛也上

下相臨所謂與也
大象傳澤上有地臨君子以教思无窮容保

民无疆

○音訓思陸息吏反疆陸居良反

集解

程子曰澤之上地澤岸也水之際也物之相

臨與含容无若水之在地故澤上有地為臨也君子觀親臨之象則教思无窮親臨於民則有一无有字教導

之意思也无窮至誠无數也觀含容之象則有容保民

之心无疆廣大无疆限也含容有廣大之意故為无窮

无疆之義○朱子曰地臨於澤上臨下也二者皆

臨下之事教之无窮者亢也容之无疆者坤也

纂註

蔡氏曰教思无窮澤潤地之象

彖傳臨剛浸而長

○音訓浸

而長陸氏曰浸子鳩反

集解

朱子曰以卦體釋卦名

纂註

徐氏曰浸漸也

陰符經曰天地之道浸亦用此義言一氣不頓進一形不頓虧二陽長於下而漸進也○楊氏時曰臨二陽朋

來也浸而長非暴為之也○李氏過

說而順剛中而應

○音訓說陸音集解朱子曰又以卦德悅後以意讀之

大亨以正天之

道也集解

程子曰浸漸也二陽長於下而漸進也下兌

能大功所以不得正合天之道剛正而和順而已以此臨人臨事臨天之下莫不大亨而得正也兌為說說乃和也夬彖云決而和○朱子曰當剛長之時又有此善哉其占如此也

附錄

朱子語易中言天之命也天之道也義只纂註單

纂註

單

曰進而大亨亨而用正至于八月有凶消不久也集解

程子曰臨二陽生陽方漸盛之時故聖人為之戒云陽雖方長然至于八月則消而凶矣八月謂陽生之八月陽始生於復自復至遯凡八月自建子至建未也二陰長而陽消矣故云消不久也在陰陽之氣言之則消長

如循環不可易也。以人事言之，則陽為君子，陰為小人。方君子道長之時，聖人為之誠，使知極則有凶之理而

虞備之，常不至於滿極，則无凶也。○朱子附錄朱子語曰：言雖天運之當然，然君子宜知所戒。

長以下三句，解臨字大亨以正，便是天之道也。解亨字亦是惟其如此，所以如此，須串說。八月有凶，蓋要反那

二陽纂註龍氏仁夫曰：臨反對為觀，乃八月卦一轉則淵。纂註為剝為坤，故曰消不久也。○徐氏曰：陰陽消

長若循環，然彖易聖人深言消長之機，其來甚速。小象吉凶靡定，禍福何常？思患豫防，君子所當戒懼也。

傳咸臨貞吉，志行正也。集解程子曰：所謂貞吉，九之志在於行正也。以九居陽，又

應四之正，咸臨吉无不利，未順命也。○音訓未順命，晁其志正也。咸臨吉无不利，未順命也。○音訓未順命，晁

未字集解程子曰：未者非遽之辭。孟子或問勸齊伐燕，美文集解有諸曰：未也。又云：仲子所食之粟，伯夷之所

樹歟抑亦盜跖之所樹歟是未可知也史記侯嬴曰人固未易知古人用字之意皆如此今人大率用對己字故意似異然實不殊也九二與五感應以臨下蓋以剛德之長而又得中至誠相感非由順上之命也是以吉而无不利五順體而二說體又陰陽相應纂註蔡氏曰故象特明其非由說順也○朱子曰未詳纂註蔡氏曰謂五也○徐氏曰二剛咸臨有進逼陵蹙之勢五柔二剛有君弱臣強之疑以此相臨豈能遽合自二言之其初未順命也然五以柔中用二二以剛中應五豈終不順哉聖人以未順命釋之欲人知以道事君而不苟於從上

甘臨位不當也既憂之咎不長也集解

程子曰陰柔之人處

不中正而居下之上復乘二陽是處不當位也既至臨能知懼而憂之則必強勉自改故其過咎不長也

无咎位當也

○音訓位當也陸氏曰本或作當位實非也

集解

程子曰居近君之位為得

其任以陰處四為得其正與初相應
為下賢所以无咎盖由位之當也
大君之宜行中之

謂也集解程子曰君臣道合蓋以氣類相求五有中德故能倚任剛中之賢得大君之宜成知臨之

功蓋由行其中德也人君之於
纂註
賢才非道同德合豈能用也
徐氏曰臨六五之行中者與師六五

之以中行泰六五敦臨之吉志在內也集解程子曰志
之中以行願同義敦臨之吉志在內也應乎

初與二也志順剛陽纂註徐氏直方曰臨上六志在內而敦篤其吉可知也與否初六志在君同否之初

六本非應五臨之上六
亦非應二此可以志論

經
䷁
坤下
巽上
集解
程子曰觀序卦臨者大也物大然後
可觀故受之以觀觀所以次臨也凡

經

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

巽坤
上下
集解

程子曰觀序卦臨者大也物大然後
觀故受之以觀觀所以次臨也凡

觀視於物則為觀平聲為觀於下則為觀去聲如樓觀謂之觀者為觀於下也人君上觀天道下觀民俗則為

觀之修德行政為民瞻仰則為觀風行地上徧觸萬類周觀之象也二陽在上四陰在下陽剛居尊為羣下所觀

仰觀之義也在諸爻則觀盥而不薦有孚顒若○音訓唯取觀見隨時為義也

曰官喚反示也乾宮四世卦盥陸音管而不薦陸氏曰本又作薦同賡練反王肅本作而觀薦顒陸魚恭反

集解程子曰予聞之胡翼之先生曰君子居上為天下之一无之字表儀必極其莊敬則下觀仰而化也

故為天下之觀當如宗廟之祭始盥之時不可如既薦之後則下民盡其至誠顒然瞻仰之矣盥謂祭祀之始

盥手酌鬱鬯於地求神之時也薦謂獻腥獻熟之時也盥者事之始人心方盡其精誠嚴肅之至也至既薦之

後禮數繁縟則人心散而精一不若始盥之時矣居上者正其表儀以為下民之觀當一作常莊嚴一作敬如

始盥之初勿使誠意少散如既薦之後則天下之人莫不盡其孚誠顒然瞻仰之矣顒仰望也○朱子曰觀者

有以中正示人而為人所仰也九五居上四陰仰之又
內順外巽而九五以中正示天下所以為觀盥將祭而
潔手也薦奉酒食以祭也顯然尊敬之貌言致其潔清
而不輕自用則其孚信在中而顯然可仰戒占者當如
是也或曰有孚顒若謂在下之人信而仰之也此卦四
陰長而二陽消正為八月之卦而名卦繫辭更取他義
亦扶陽抑附錄朱子語問觀盥而不薦只是取未薦之
陰之意附錄時誠意渾全而未散今乃云觀盥而不
薦何也曰祭祀无不薦者此是假設來說薦是用事了
盥是未用事之初云不薦者言常持得這誠敬如盥之
意常在若薦則是用出則才畢便過了无復有初
意矣詩云心乎愛矣遐不謂矣中心藏之何日忘之楚
詞云愛君子兮不敢言正是此意說出這愛了則都无
事可把持矣惟其不說但藏在中心所以常見其不忘
也學問盥而不薦曰這猶譬喻相似蓋无這事且如
祭祀才盥便必薦那有不薦底但取其清潔之義耳輝

問觀陰盛而不言凶咎何也先生曰此卦取義不同蓋陰雖盛而於九五之君乃當正位故只取為觀於下之義而不取陰盛之象也時舉問有孚顒若承上文盟而不薦蓋致其潔清而不輕自用則孚信在中而顒然可仰一說下之人信而仰之二說孰長先生曰從後說則合得彖辭下觀而化之義或曰前說似好先生曰當以彖辭定又問觀卦四陰長而二陽消正八月之卦而名卦繫辭不取此義何也曰只為九五中正以觀示天下事都別了以此見易不可執一看所謂不可為典要唯變所適也鉢這盟字與灌字不同灌自是以秬鬯之酒灌地以降神這盟只是洗手凡祭祀數數盟手一拜則掌拊地便又著洗伊川云人君正其表儀以為下民之觀當莊嚴如始盟之初勿使誠意少散如既薦之後某看觀卦意思不是如此觀義自說聖人至德出治天下自然而化更不待用力而下莫不觀感而化故取義於盟意謂積誠信之至但是盟滌而不待乎薦享有孚已

自顓若故曰下觀而化也蔡李通因云盥而不薦有孚
顓若言其理也下觀而化述其德也賀孫劉砥問伊川
以為灌鬯之初誠敬猶存至薦羞之後精意懈怠本義
以為致其潔清而不自用其義不同曰盥只是浣手不
是灌鬯伊川承先儒之誤若云薦羞之後誠意懈怠則
先王祭祀只是灌鬯之初猶有誠意及薦之後皆不成
禮矣問若爾則是聖人在上視聽言動皆當為天下法
而不敢輕亦猶祭祀之時致其潔清而不敢輕用否曰
然○問有孚顓若先生以為孚信在中而尊嚴故下觀
而化之伊川以為天下之人孚信顓然而仰之恐須是
孚信尊嚴方得下觀而化曰然又問觀觀之義曰自上
示下曰觀去聲自下觀上曰觀平聲故卦名之觀去聲
六爻之觀纂註馮氏椅曰卦疊艮之畫有門闕重複之
皆平聲○觀纂註象故取象於觀盥滌器盥手也○朱氏
曰天子迎尸入廟洗手酌獻尸尸以灌地三獻而薦腥
五獻而薦熟又曰互艮為手伏兌為澤上為宗廟巽入

也○項氏曰盥者祭之初步方詣東榮盥手於洗凡祭之事百未一為也薦者祭禮之最盛四海九州之美味四時之和氣无不陳也此但以盥而不薦象恭己无為耳非重盥而輕薦也○雙湖先生曰盥取異潔齊象不薦又取艮止象○鄭氏剛中曰以卦求之自五至二有宗廟之象昭穆相偶太祖之廟居其中故有盥薦之象不特此也艮兌合損上至三宗廟故曰可用享坤兌合萃四至初宗廟故曰王假有廟坎巽合渙五至三宗廟故曰王假有廟鄭康成曰互艮為鬼門又為宮闕地上有木而為鬼門宮闕天子宗廟之象○李氏舜臣曰觀下坤上巽四陰雖長方且坤順巽伏乎二陽之下而履至尊之位操九五之權則又巽當之巽為風風行草偃密移于天地之間有君子在上小人自爾巽順之義此神化之妙有不容言者又曰彖辭於君子小人雖不明言而初六曰小人无咎君子吝九五曰君子无咎上九又曰君子无咎雖略之於彖乃詳之於爻聖人著易之

戒其互見如此初六童觀小人无咎君子吝○音訓童陸氏曰

云稚集解程子曰六以陰柔之質居遠於陽是以一作

正在上聖賢之君也近之則見其道德之盛所觀深遠

初乃遠之所見不明如童蒙之觀也小人下民也所見

昏淺不能識君子之道乃常分也卦以觀示為義據九

子而如是則可鄙吝也○朱子曰卦以觀示為義據九

五為主也又以觀瞻為義皆觀乎九五也初六陰柔在

下不能遠見童觀之象小人之道君子之羞也故其占

在小人則无咎君附錄朱子語初六童觀小人之道也

在得之則可羞矣附錄君子則吝小人自是如此故无

咎纂註馮氏椅曰初位陽故為童二位陰故為女皆為

咎也不六二闕觀利女貞苦規反本又作窺集解程子

應於五觀於五也五剛陽中正之道非二陰暗柔弱所能觀見也故但如窺規之觀耳闢規之觀雖少見而不
能甚一作盡明也二既不能明見剛陽中正之道則利
如女子之貞雖見之不能甚明而能順從者女子之道
也在女子為貞也二既不能明見九五之道能如女子
之順從則不失中正乃為利也○朱子曰陰柔居內而
觀乎外闢觀之象女子之正也故纂註徐氏曰闢門中
其占如此丈夫得之則非所利矣
而觀外雖與五為應前為三四所蔽所見不明闢觀之
象○齊氏曰二應在五不敢顯視故象闢觀闢觀非女
之正也故曰利女貞禮女不踰闢貞也六二隙闢有外
心矣如女子之貞方能自守蓋深戒之也○雙湖先生
曰易爻有蒙全體取象者如此卦初童蒙全體
艮小子象二闢蒙全體艮為門闢象昭然矣
六三觀

我生進退集解

程子曰三居非其位處順之極能順時
以進退者也若居當其位則无進退之

義也觀我生我之所生謂動作施為出於己者觀其所
 生而隨宜進退所以處雖非正而未至失道也隨時進
 退求不失道故无悔咎一作者可以進可退故不觀九五
 生我之所行也六三居下之上可進可退故不觀九五
 而獨觀己所行之通塞以附錄來子語問六三觀我生
 為進退占者宜自審也進退不觀九五而觀己
 所行通塞以為進退否曰看來合是觀九五大率觀卦
 二陽在上四陰仰之九五為主六三觀我生進退者觀
 九五如何而為進退也初六六二以去五之遠觀貴於
 近所觀不明不大六四却見得親切故有觀光利用之
 象六三處二四之間固當觀九五以為進退也子善遂
 問如此則我字乃是指九五而言易中亦有此例如頤
 之初九曰舍爾靈龜觀我朵頤是也曰此我乃是假外
 而言耳此說我字與本義下同銖六三傳但以為未至
 失道而求不失道耳非直纂註石氏曰六三自觀所為
 以為不失道也荅方士繇纂註也居下體之極在上

之下有進退之象可以進則進可以退則退觀我自己
所為而已○王氏湘鄉曰生如生涯生計治生營生之
生謂所作事業也○南軒張氏曰三大臣之位當察其
德業所著見者以度其去就○游氏曰六三觀我生進
退者省諸己也度德以就位量能以任官也九五觀我
生者驗諸此也所以審好惡而察治亂也上九之觀其
生則觀其時之設施也○楊氏曰三五皆曰觀我生辭
同而德異六三察己以從人九五察人以修己三似漆

六四觀國之光利用賓于王

○音訓觀陸氏曰如字或音官喚反集解

程子曰觀莫明於近五以剛陽中正居尊位聖賢之君
也四切近之觀見其道故云觀國之光觀見國之盛德
光輝也不指君之身而云國者在人君而言豈止觀其
行一身乎當觀天下之政化則人君之道德可見矣四
雖陰柔而巽體居正切近於五觀見而能順從者也利
用賓于王夫聖明在上則懷抱才德之人皆願進於朝

廷輔戴之以康濟天下四既觀見人君之德國家之治
光華盛美所宜賓于王朝効其智力上輔於君以施澤
天下故言利用賓于王也古者有賢德之人則人君賓
禮之故士之仕進於王朝則謂之賓○朱子曰六四最
近於五故有此象其占
纂註 蘭氏曰九五陽明居上是
為利於朝觀仕進也 有光華者也○王氏宗傳

曰觀以遠陽為晦近陽為明○朱氏曰古者諸侯入見
于王王以賓禮之士而未受祿亦賓之○馮氏椅曰王
九五也賓如作賓于王家之謂以客禮見王者乃利也
○雙湖先生曰自五以下正互凡兩坤皆王國之象

九五觀我生君子无咎集解

程子曰九五居人君之位
時之治亂俗之美惡係乎

己而已觀己之生若天下之俗皆君子矣則是己之所
為政化善也乃无咎矣若天下之俗未合君子之道則
是己之所為政治未善不一作未能免於咎也○朱子
曰九五陽剛中正以居尊位其下四陰仰而觀之君子

之象也故戒居此位得此占者當觀己所纂註臣李氏行必其陽剛中正亦如是焉則得无咎也曰九

五上九兩君子在四陰卦中皆獲无咎以其體巽之德而陰有以化服小人之類也○項氏曰觀本是小人逐

君子之卦但以九五中正在上羣陰仰而觀之故聖人取以為小人觀君子之象象雖如此勢實漸危故五上

二爻皆曰君子无咎言君子方危能如九五之居中履正能如上九之謹身在外僅可无咎耳不然則九五建

中正以觀天下雖元吉大亨可也豈止无咎而已哉明二陽向消故道大而福小也此則唐武宗之時內之宦

者外之牛黨之徒皆欲攻李德裕者也但以武宗剛明在位故仰視而不敢動一日事變萬事去矣○雙湖先

生曰知時識勢學易之大方項氏深為得上九觀其生之當觀之君知此所以自處者有道可也

君子无咎集解

程子曰上九以剛陽之德處於上為下之所觀而不當位是賢人君子不在於

位而道德為天下所觀仰者也觀其生觀其所生也謂
出於己者德業行義也既為天下所觀仰故自觀其所
生若皆君子矣則无過咎也苟未君子則何以使人觀
仰矜式是其咎也○朱子曰上九陽剛居尊位之上雖
不當事任而亦為下所觀故其戒辭略附錄朱子語觀
與五同但以我為其小有主賓之異耳附錄朱子語觀
如視履考祥底語勢觀其亦是自觀却從別人說易中
其字不說別人只是自家如乘其墉之類淵問觀我生
觀其生之別曰我者彼我對待之言是以彼觀此其生
是以此自觀六三之觀我生進退者事君則觀其言聽
計從治民則觀其政教可行膏澤可下可以見自家所
施之當否而為進退九五之觀我生如觀風俗之燬惡
臣民之從違可以見自家所施之善惡上九之觀其生
則是就自家視聽言動應事接物處自觀九五上九君
子无咎蓋為君子有剛陽之德故无咎小人无此德自
當不得此又如初六童觀小人之德故无咎也君子則吝小人

自是如此故无咎此二爻君子小人正相對說個問觀
六爻一爻勝似一爻豈所據之位愈高則所見愈大邪
先生云上二爻意思自別下四爻是以所纂註程氏曰
據之位愈近則所見愈親切底意思易說纂註四陰向
長二陽向消君子宜有咎之時也故二爻皆曰无咎以
見補過之義○余氏曰初六則小人无咎二則利女貞
五與上則君子无咎皆指占者視其人而吉凶分焉○
蔡氏曰中孚與離同小過與坎同臨與震同觀與艮同
大壯與兌同遯與巽同觀示也兼兩爻求之有艮之體
二剛在上无所蔽掩有光明以示下也凡觀之道在上
為示在下為瞻故五為觀主觀瞻之際惟居高而近則
有所見初位最下又遠乎五无得乎示之道也二雖為
應而隔三四特闕其所示者也三雖處高位亦隔乎四
但能自瞻其所為而已惟四上最近而高故瞻五之光
華而上亦瞻五之所為也○魏氏曰切意未有四聲反
切以前安知觀字不皆為平聲乎於是聞見視聽高深

先後遠近上下之等皆有二字且考諸義則二字固可
一而參諸易詩以來東漢以前則凡有韻之語亦為孫
炎沈約以後必限以四聲拘以韻切亦不可同日語矣
○龍氏仁夫曰觀觀兩音六十四卦似无此例只合依
卦名並去聲
大象傳風行地上觀先王以省方觀民設教
音

訓省陸
息井反
集解
程子曰風行地上周及庶物為由歷周覽

而設政教也天子巡省四方觀視民俗設為政教如奢
則約之以儉儉則示之以禮是也省方觀民也設教為

民觀也○朱子曰省方
纂註
方氏曰風主天之號今施

以觀民設教以為觀
幽无不周遍為君主教令行於民上者當如此○劉氏
曰觀民設教如齊之末業教以農桑衛之淫風教以禮

別奢如曹則示以儉儉如
魏則示以禮之類是也
彖傳大觀在上順而巽中正

以觀天下

○音訓大觀陸官喚反以觀陸氏曰徐音官

集解

程子曰五居尊位以剛陽中正

之德為下所觀其德甚大故曰大觀在上下坤而上巽是能順而巽也五居中正以巽順中正之德為觀於天

下也○朱子曰以卦體卦德釋卦名義纂註徐氏曰大剛也二剛在上下

以卦德言中正五也大觀在上以位言順巽中正以德言有其位无其德不足以觀天下有其德无其位亦不

足以下觀觀盥而不薦有孚顒若下觀而化也集解

程子曰為

觀之道嚴敬如始盥之時則下民至誠瞻仰一作仰觀而從化也不薦謂不使誠意少散也○朱子曰釋卦辭

纂註

徐氏曰下觀而化以四陰觀二陽言謂上有精潔誠敬之德顯然可仰則天下有所觀感而化如舜

恭己正南面而天下自治文王不大聲以色而萬邦作孚自然之感固如此也觀天之神道而

四時不忒聖人以神道設教而天下服矣

吐得音訓忒陸

設教今本有以字陸氏曰當无以字

集解

程子曰天道至神故曰神道觀

天之運行四時无有差忒則見其神妙聖人見天道之神體神道以設教故天下莫不服也夫天道至神故運

行四時化育萬物无有差忒至神之道莫可名言唯聖人密契體其妙用設為政教故天下之人涵泳其德而

不知其功鼓舞具化而莫測其用自然仰觀而戴服故曰以神道設教而天下服矣○朱子曰極言觀之道也

四時不忒天之所以為觀也神道設教聖人之所以為觀也

附錄

朱子語盥本謂薦而不薦是欲蓄其

誠意以觀示民使民觀感而化之義有孚顯若便是

是聖人不犯手做底即是盥而不薦之義順而巽中正以觀天下謂以此觀示之也淵觀天之神道只是自然

運行底道理四時自然不忒聖人神道纂註雙湖先生
亦是說他有教人自然觀感處易說曰觀以坤

遇巽成卦必以觀名者自西南角坤右轉至東南角巽
拱得南離中間離為目故有觀義二陽居五上為天有

天神道之象互艮為冬春之交又有四時不忒之象九五
秋之交坤伏乾為秋冬之交又有四時不忒之象九五

以陽剛中正之聖人以神道而施風教四陰皆以柔順
巽入聽從於下又有天下服之象焉夫子嘗曰居則觀

其象而玩其辭如以玩辭而已无得於象未足與語小
此○愚案陸氏釋文為古詩而作而經文多主古易小

象傳初六童觀小人道也集解程子曰所觀不明如童
稚乃小人之分故曰小

人道闕觀女貞亦可醜也○音訓闕觀女貞陸集解程
氏曰一本有利字集解子

曰君子不能觀見剛陽中正之大道而僅一有能字闕
覘其彷彿雖能順從乃同女子之貞亦可羞醜也○朱

子曰在丈夫則為醜也

觀我生進退未失道也集解

程子曰觀己之生而進退

以順乎宜故未至於失道也

觀國之光尚賓也

○音訓尚賓晁氏曰京陸績作上賓

集

鮮程子曰君子懷負才業志在乎兼善天下然有卷懷自守者蓋時无明君莫能用其道不得已也豈君子

之志哉故孟子曰中天下而立定四海之民君子樂之既觀見國之光華古人所謂非常之遇也一元也字所

以志願登進王朝以行其道故云觀國之光尚賓也尚謂尚志其志意願慕賓于王朝也

觀我生觀

民也集解

程子曰我生出於己者人君欲觀己之施為善否當觀於民民俗善則政化善也王弼云

觀民以察己之道是也○朱子曰此夫子以義言之明人君觀己所行不但一身之得失又當觀民德之善否

以自省察也

纂註

林氏曰自四以下皆陰其象為民

觀其生志未平也集解

程子曰雖不在位然以人觀其德用為儀法故當自慎
省觀其所生常不失於君子則人不失所望而化之矣
不可以不在位故安然放意无所事也是其志意未得
安也故云志未平也平謂安寧也○朱子曰志未平言
雖不得位未附錄程子語在易觀之上九曰觀其生君
可忘戒懼也
有剛陽之德居无位之地是賢人君子抱道德而不居
位為衆人仰觀法式者也雖不當位然為衆人所觀固
不得安然放意謂已无與於天下也必觀其所生君子
矣乃得无咎聖人又從而贊之謂志當在此固未得安
然平定无所慮也觀聖人教示後賢如是之深賢者存
心如是之仁與其素隱行怪獨善其身者異矣語錄
朱子語其生謂言行事為之見於外者既
有所省便是未得安然无事答呂光祖

經



震下

集解

程子曰噬嗑序卦可觀而後有所合
故受之以噬嗑嗑者合也既有可觀

然後有來合之者也。噬嗑所以次觀也。噬齧也。嗑合也。口中有物間之齧而後合之也。卦上下二剛爻而中柔外剛中虛人頤口之象也。中虛之中又一剛爻為頤中有物之象。口中有物則隔上下不得噬必齧之則得噬。故為噬嗑。聖人以卦之象推之於天下之事。在口則為物隔而不得合。在天下則為有強梗或讒邪間隔於其間。故天下之事不得合也。一无也。字當用刑法小則懲戒大則誅戮以除去之。然後天下之治得成矣。凡天下至於一國一家至於萬事所以不和合者皆由有間也。无間則合矣。以至天地之生萬物之成皆合而後能遂。凡未合者皆有間也。若君臣父子親戚朋友之間有離貳怨隙者蓋讒邪間於其間也。除去之則和合矣。故間隔者天下之大害也。聖人之觀噬嗑一作齧合之象推之於天下萬事皆使去其間隔而合之則无不和且洽一作治矣。噬嗑者治天下之大用也。去天下之間在任刑罰故卦取用刑為義在二體明照而威震乃用刑之

象噬嗑亨利用獄也○音訓噬嗑陸氏曰上市制反齧集

鮮程子曰噬嗑亨卦自有亨義也天下之事所以不得

亨者以有間也噬而嗑之則亨通矣利用獄噬而嗑

之道宜用刑獄也天下之間非刑獄何以一作不可

以去之不云利用刑而云利用一刑利用字獄者卦有

明照之象利於察獄也獄者所以究治情偽得其情則知

為間之道然後可以設防與致刑也○朱子曰噬齧也

嗑合也物有間者齧而合之也為卦上下兩陽而中虛

頤口之象九四一陽間於其中必齧之而後合故為噬

嗑其占當得亨通者有間故不通齧之而合則亨通矣

又三陰三陽剛柔中半下動上明下雷上電本自益卦

六四之柔上行以至於五而得其中是以陰居陽雖

不當位而利用獄蓋治獄之道惟威與明而得其中之

為貴故筮得之者有纂註李氏過曰噬嗑震下離上震

其德則應其占也雷離電天地生物有為造化

之梗者必用雷電擊搏之聖人治天下有為民之梗者
必用刑獄斷制之故噬嗑以去頤中之梗雷電以去天
地之梗刑獄以去天下之梗也○張氏汝弼曰卦中有
坎為刑獄○楊氏時曰噬嗑除間之卦也除間以刑為
用故利用獄者所以治間而求其情也治而得其情
則刑之而天下服矣故不言利用刑而曰利用獄也○
雙湖先生曰易六十四卦彖辭惟噬嗑取象於獄者以
上下兩陽而中虛有獄之象九四一陽間於其中有獄
囚之象四陽不正互坎為盜陷於囚獄明照而威震動
必察情噬之使噎有利用獄之象嗚呼文王當姜里時
想演易至此其亦傷无明王在上是以於明動之卦深
有感也臣罪當誅兮天王聖明韓子其知心之論也歟
初九屨校滅趾无咎○音訓屨陸氏曰紀具反校陸氏
曰爻教反下同馬音教止今本作
趾陸氏曰本亦作趾趾
集解程子曰九居初最下无位
足也晁氏曰案止古文

人當用刑之始罪小而刑輕校木械也其過小故屨之
於足以減傷其趾人有小過校而減其趾則當懲懼不
敢進於惡矣故得无咎繫辭云小懲而大誡此小人之
福也然懲之於小與初故一有後字得无咎也初與上
无位為受刑之人餘四爻皆為用刑之人初居最下无
位者也上處尊位之上過於尊位亦无位者也王弼以
為无陰陽之位陰陽係於奇偶豈容无也然諸卦初上
不言當位不當位者一作不言位當不當者蓋初終之
義為大臨之初九則以位為正若需上六云不當位乾
上九云无位爵位之位非陰陽之位也○朱子曰初上
无位為受刑之象中四爻為用刑之象初在卦始罪薄
過小又在卦下故為屨校減趾之象止惡於初故得无
咎占者小傷
纂註朱氏曰周官掌囚下罪桎桎足械也
而无咎也械亦曰校○蔡氏曰屨履也校械也
減沒也趾在下人所用以行者初象減趾謂受刑於初
則小懲大戒罪過止息而不行故无咎○都氏曰趾言

下體之下而行者也耳言上體之上而聞者也○楊氏
萬里曰屨校不懲必至何校減趾不誠必至減耳初九
之小人能懲於薄刑止其惡而不行則不貽上九惡積
罪大之凶禍矣○雙湖先生曰案趾只取下體初爻不
論陰陽噬賁壯夬皆陽鼎艮皆陰咸其拇足大趾亦指
初六履亦初象校在足曰屨在項曰何獄中物皆蒙坎
象坎堅多心六二噬膚減鼻无咎○音訓膚陸氏曰方
木在獄校屬六二噬膚減鼻无咎于反馬云柔脆肥美

曰**集解**程子曰二應五之位用刑者也四爻皆取噬為
膚**集解**義二居中得正是用刑得其中正也用刑得其

中正則罪惡者易服故取噬膚為象噬齧人之肌膚為
易入也滅沒也深入至沒其鼻也二以中正之道其刑
易服然乘初剛是用刑於剛強之人刑剛強之人必須
深痛故至滅鼻而无咎也中正之道易以服人與嚴刑
以待剛強義不相妨○朱子曰祭有膚鼎盖肉之柔脆
噬而易嗑者六二中正故其所治如噬膚之易然以柔

乘剛故能甚易亦不免於傷滅

附錄

朱子語噬膚滅鼻

浸沒也謂因噬膚而

纂註

馮氏當可曰一身之表皆為

沒其鼻於器中也○朱氏曰陰為膚剥六四

亦取膚象○林氏曰互艮為鼻二乘剛有沒鼻之象○

馮氏椅曰膚皮之表也噬者治獄之人膚肉腊肺囚也

爻取噬為治獄之象又取膚為獄囚之象二之滅鼻无

咎者指治獄也初之无咎囚可无咎也二三五之无咎

囚不得而咎之也中四爻治獄者也初上囚之始惡怙

終者也○李氏過曰以六爻之位言之五君位也為治

獄之主四大臣位也為治獄之卿又其下也為治獄之

吏頤中之物最大乾肺是也六二體柔以噬膚之道噬

之自傷其鼻然亦无咎也治獄者也故咎不在己○雙

湖先生曰膚身之皮膚取互艮象與剥六四象同如馮

李說則治獄者噬囚膚而自沒其膚其義已通若證

六以初爻履校滅囚趾噬鼻滅囚膚文勢似亦可通

三噬腊肉遇毒小吝无咎

○音訓腊肉陸氏曰音昔馬云晞於陽而煬於日曰腊肉

鄭注周禮曰小

集解

程子曰三居下之上用刑者也六居三處不當位自處不得其當而

刑於人則人不服而怨懟悖犯之如噬齧乾腊堅韌之物而遇毒惡之味反傷於口也用刑而人不服反致怨傷是可鄙吝也然當噬嗑之時大要噬間而嗑之雖其身處位不當而強梗難服至於遇毒然用刑非為不當也故雖可吝而一无而字亦小噬而嗑之非有咎也○朱子曰腊肉謂獸腊全體骨而為之者堅韌之物也陰柔不中正治人而人不服為噬腊過毒之象占雖小吝然時當噬嗑於義為无咎也纂註齊氏曰人掌田獸之脯腊注薄物為脯小物全乾為腊○朱氏曰三互艮艮為黔喙之屬離為雉日燠之腊肉之象六三位不當以柔噬剛刑人不服反傷之故遇毒毒坎險象四互坎師以此毒天下亦指坎○林氏栗曰腊者肉

見於外而骨藏於中以六居三外柔內剛
過骨不期遇其害也外示柔弱中藏險很以匿其情
姦民也揣其骨而徐齧之故小吝○馮氏曰三剛藏於
六柔中故噬而過毒多凶之象不中正故吝陰小故其
占為小吝噬之乃其治獄之職故无得而咎之故諸爻
雖不善亦无咎矣○李氏過曰六三體亦柔見二之傷
也以噬腊肉之道噬之遂為所九四噬乾肺得金矢利
毒雖小吝意在去惡已則何咎

艱貞吉

○音訓乾陸音干肺陸氏曰緇美反馬云有骨謂之肺鄭云賁也字林云舍食所遺也一曰脯

也子夏作脯徐音甫荀董同晁氏曰說文作金食所遺也易噬乾金揚雄說金從中陸績作肺
曰九四居近君之位當噬嗑之任者也四已過中是其
間愈大而用刑愈深也故云噬乾肺肺肉之有聯一无
聯字骨者乾肉而兼骨至堅難噬者也噬至堅而得金
矢金取剛矢取直九四陽德剛直為得剛直之道雖用

剛直之道利在克艱其事而貞固其守則吉也九一知
九字四剛而明體陽而居柔剛明則傷於果故戒以知
難居柔則守不固故戒以堅貞剛而不貞者有矣凡失
剛者皆不貞也在噬嗑四最為善○朱子曰肺肉之帶
骨者與截通周禮獄訟入鈞金束矢而後聽之九四以
剛居柔得用刑之道故有此象言所噬愈堅而得聽訟
之宜也然必利於艱難正附錄朱子語得金矢荆公已
固則吉戒占者宜如是也嘗引周禮鈞金之說備
問不知古人獄要鈞金束矢之意如何先生云這不見
得想是詞訟時便令他納此教他无切要底事不敢來
又問云如此則不問曲直一例出此則實有冤枉者亦
懼而不敢訴矣先生云這箇須是大切要底事如平常
事又別有所在纂註楊氏時曰九四合一卦言之則為
如剗石之論纂註間者也以一爻言之則居大臣之
位任除間之責者也○李氏椿年曰腊肉小乾肺難噬
於腊○李氏過曰頤中之梗正在此爻九四近君治獄

之卿諸父以柔噬九四獨以剛噬正如乾肺而九四體
剛以噬乾肺之道噬之遂得其情○馮氏椅曰肉之附
骨猶四之附九居於離火故為乾肺之象又說卦離為
乾卦○雙湖先生曰卦互坎為豕離為戈兵又為火故
有乾肺象蒙金矢指坎九二象此爻正互坎中爻蘭氏
曰九乾之策乾為金也齊氏曰坎為矯輮為木又為弓
矯木加金施於弓亦有矢象金矢李季辨引周禮說案
周禮秋官司寇以兩造禁民訟入束矢於朝然後聽之
之以兩劑禁民獄入鈞金三日乃致於朝然後聽之注
訟謂以財貨相告者造至也使訟者兩至既兩至使入
束矢乃治之不至不入束矢則是自服不直者也必入
束矢者取其直也古者一弓百矢束矢其百矢歟獄謂
相告以罪名者劑今券書使獄者各齎券書既兩券書
使入鈞金又三日乃治之重刑也不券書不入金則是
亦自服不直者也必入金者取其堅也三十斤曰鈞九
四不正故戒以貞吉○龍氏仁夫曰案金矢與金柅金

車金鉉及黃矢語勢同似不必引鉤金來矢為義

六五噬乾肉得黃金貞厲无

咎集解

程子曰五在卦愈上而為噬乾肉反易於四之乾肺者五居尊位乘在上之勢以刑於下其勢

易也在卦將極矣其為間甚大非易噬也故為噬乾肉也得黃金黃中色金剛物五居中為得中道處剛而四輔以剛得黃金也五无應而四居大臣之位得其助也貞厲无咎六五雖處中剛然實柔體故戒以必正固而懷危厲則得无咎也以柔居尊而當噬嗑一作堅之時豈可不貞固而懷懼哉一作忘危懼也○朱子曰噬乾肉難於膚而易於腊肺者也黃中色金亦謂鉤金六五柔順而中以居尊位用刑於人无不服故有此象然必貞厲乃得无咎附錄朱子語問九四利艱貞六五貞亦戒占者之辭也厲皆有艱難正固危懼之意故皆為戒占者之辭先生曰亦是爻中有此道理大抵才是治人彼必為敵不是易事故雖時位卦德得用刑之

宜亦須以艱難正固處之至於六三噬腊肉遇毒則是所噬者堅韌難合六三以陰柔不中正而遇此所以遇毒而小吝然此亦是合當治者但纂註林氏栗曰乾肉難治耳治之雖小吝終无咎也銖纂註折肉披筋而燬之似剛非剛似柔非柔噬之則噬不噬不噬也以六居五剛柔得中乾肉象○蔡氏曰乾以五言肉以六言黃象離中金剛也○張子曰得黃金者得居中持堅之義○余氏曰金矢黃金不必泥周禮只是剛直剛中耳○雙湖先生曰五不正故戒以貞猶厲况不正乎然雖厲而无咎者以居位得中故免於咎耳○李氏過曰九四噬嗑既得其情以獄成上于五五柔主以噬乾肉之道噬之乾肉无骨者以柔噬之也得黃金贖刑也古者金作贖刑如呂刑五刑之贖皆有罰以千鍰為差是也九四以剛噬六五以柔噬以剛噬者有司執法之公以柔噬者人君不忍之仁也然猶貞厲則无咎正如穆王訓夏贖刑刑既輕矣猶曰朕言多懼是也○龍氏仁夫曰

案項氏曰噬者除其惡得者取其善噬乾肺之強而收金矢之用噬乾肉之強而收黃金之用聖人之仁如此愚謂聽獄之難久矣繫辭聖人於此深致意焉夫園扉叢棘之間未必皆強梗不肖者居之也而有金矢黃金之屬在焉小則為堂阜之夷吾蓋齊之名卿也大則為郡邸之皇孫蓋漢之英主也使微鮑叔之知人兩吉之長者則遂已矣治獄者其可苟哉周公呼太史而告之曰司寇蘇公式敬爾由獄以長我王國此意與噬嗑辭同

上九何校滅耳凶

（音訓）何陸氏曰何可反又音河本亦作荷音同象同王肅云荷擔

晁氏曰案集解

刑者居卦之終是其間大噬之極也繫

辭所謂惡積而不可揜罪大而不可解者也故何校而滅其耳凶可知矣何負也謂在頸也○朱子曰何負也過極之陽在卦之上惡極罪纂註
胡氏曰居卦之極罪大凶之道也故其象占如此

而沒其耳所以凶也○毛氏曰以怙終故寄之上九○
齊氏曰下互坎體有耳之象郭氏雍曰初上減字或
以為刑獨孔氏訓沒屨校桎其足桎大而沒趾何校械
其首械大而沒其耳也若以減耳為則減鼻為剗減趾
為腓則上九復不為凶而初二又不為无咎也書注剗
輕刑呂刑則辟為重故漢斬趾同於棄市方初六小刑
固不當斷趾上九罪大復不當輕刑以是知三者之減
皆非刑也○馮氏當可曰卦有四无咎一吉一凶治天
下至於用獄皆出於不獲已不獲已而為之得麤免於
過咎可也九四之吉以對上九之凶使四不艱貞則其
凶如上矣○蔡氏曰噬之用在中故中四爻為噬也初
上二爻受噬者也為噬故爻辭皆稱噬受噬故爻无噬
辭○丘氏曰初過小而在下故屨校減趾為用獄之始
上惡極而怙終故何校減耳為用獄之終中四爻治獄
之人然卦才剛柔不同噬之難易亦異二以柔居柔於
象為噬膚易噬者也五以柔居剛剛柔得中於象為噬

乾肉比噬膚則難矣三柔中有剛肉藏骨之象故曰噬
 腊肉比乾肉又難也四剛中有柔骨聯肉之象故曰噬
 乾肺肺則骨大於腊噬之最難者也此中四爻之別也
 然二滅鼻三過毒四艱貞五貞厲者言治獄之道當致
 謹而不可輕也○雙湖先生曰以全體言九四為一卦
 之間則受噬者在四彖辭利用獄是刑四也以六爻言
 則受噬者在初上故初上皆受刑四反為噬之主與三
 陰爻同噬之彖爻取象有不同如此爻中稱腊稱乾皆
 離象故說卦**大象傳雷電噬嗑先王以明罰勅法**
 訓勅

陸氏曰恥力反此俗字也字林**集解**程子曰象元倒置
 作救鄭云救猶理也一云整也者疑此文互也雷

電相須並見之物亦有噬象電明而雷威先王觀雷電
 之象法其明與威以明其刑罰飭其法令法者明事理
 而為之防者也○朱**附錄**程子語電者陰陽相軋雷者
 子曰雷電當作電雷**陰陽相擊也軋者如石相磨**

而火光出者電便有雷擊者是也大臨○朱子語問諸卦象皆順說獨雷電噬嗑倒說何耶曰先儒皆以為倒說二字二字相似疑是如此問雷電噬嗑與雷電豐似不同先生曰噬嗑明在上動在下是明得是理先立這法在此未有犯底人留待異時之用故云明罰敕法豐威在上明在下是用這法時須是明見下情曲折方得不然威動於上必有過錯也故云折纂註蔡氏曰明獄致刑此是伊川之意其說極好道夫

法震象○張氏汝弼曰體電之光以明罰則情偽不能逃體雷之威以勅法則強梁不敢犯○徐氏曰明罰者所以示民而使之知所避勅法者所以防民而使之知所畏此先王忠厚之意也未至折獄致刑處故與豐象異然罰之當避人猶有冒罰為之法之可畏人猶有犯法不顧者先王不得已而用刑○項氏曰石經作電雷鼎公武謂象元倒置者當從石經

彖傳頤中有物曰噬嗑

○音訓頤集

鮮朱子曰以卦纂註王氏宗傳曰卦象各有指鼎井大體釋卦名義

過棟撓小過飛鳥之類遠取諸物

也艮背頤口噬嗑頤中有噬嗑而亨集鮮程子曰頤中有物之類近取諸身也

物故為噬嗑有

物間於頤中則為害噬而噬之則剛柔分動而明雷電其害亡乃亨通也故云噬嗑而亨

合而章集鮮

程子曰以卦才言也剛爻與柔爻相間剛柔分而不相雜為明辨之象明辨察獄之

本也動而明下震上離其動而明也雷電合而章雷震而電耀相須並見合而章也照與威並行用獄之道也能照則无所隱情有威則莫敢不畏上既以二象言其動而明故復言威照並用之意

附錄

朱子語張

洽問易象傳剛柔分者二噬嗑節也何以言剛柔分曰據其觀之只是三陰三陽謂之剛柔分分猶均也問易中三陰三陽之卦多獨二卦言之何也曰偶於此二纂卦言之餘卦別有義剛柔分語意與日夜分同時舉纂

註合而後章○剛在下則動柔在上則明動而明初未章

舌柔雷之擊搏必與電合齒柔得中而上行雖不當位

之噬齧必與舌俱然後成章

利用獄也○音訓上陸時掌反當陸氏曰集解程子曰

柔居中為用柔得中之義上行謂居尊位雖不當位謂

以柔居五為不當而利於用獄者治獄之道全剛則傷

於嚴暴過柔則失於寬縱五為用獄之主以柔處剛而

得中得用獄之宜也以柔居剛為利用獄以剛居柔為

利否曰剛柔質也居用也用柔非治獄之宜也

○朱子曰以卦名卦體卦德二象卦變釋卦辭附錄朱

語彖辭中剛柔分以下都掉了頤中有物只說纂註朱

利用獄爻亦各自取義不說噬頤中之物淵氏

曰六五柔中雖不當位施之用獄則无若柔中之為利

矣或曰柔足以用獄乎曰為人君止於仁不以剛斷稱

也○楊氏時曰古之治獄吏以獄成告于正正聽之正以獄成告于大司寇司寇聽之棘木之下大司寇以獄成告于王王命三公參聽之三公以獄成告于王王三宥之而後制刑此以柔用之意也○雙湖先生曰下體本坤分初柔上而為五上體本乾分五剛下而為初此剛柔分也柔得中而上行即初柔上而得中也噬嗑剛柔分而柔得中節剛柔分而剛得中故於兩卦發其義

小象傳屨校滅趾不行也

○音訓不行也陸氏集解程子曰屨校而滅傷其趾則曰本或作止不行也

不行也古人制刑有小罪則校其趾蓋取禁止其行使不進於惡也○朱子曰滅趾又有不進於惡之象噬

膚滅鼻乘剛也集解

程子曰深至滅鼻者乘剛故也乘剛乃用刑於剛強之人不得不深

嚴也深嚴則得遇毒位不當也集解程子曰六三一无宜乃所謂中也

位不當自處不當故用利艱貞吉未光也○音訓未光

刑者難服而反毒之也利艱貞吉未光也
未光也陸氏曰集解程子曰凡言未光其道未光大也

本或无大字集解程子一作以利艱貞蓋所以不足

也不得中纂註楊氏時曰雖利艱貞未能使无訟故曰

正故也未光也○楊氏萬里曰有強梗者天下

之不幸去強梗者聖人之貞厲无咎得當也集解程子

不得已也故曰未光也貞厲无咎得當也
以能无咎者以所得其當也所謂何校滅耳聰不明也

當居中用剛而能守正慮危也何校滅耳聰不明也
○音訓聰不明也陸氏曰馬云耳无所聞鄭集解程子

云目不明耳不聰王肅云言其聽之不明集解程子

之聲暗不悟積其罪惡以至於極古人制法罪之大者

何之以校為其无所聞知積成其惡故以校而滅傷一

无傷字其耳誠聰之不明也○朱子曰滅耳蓋罪

其聽之不聰也若能審聽而早圖之則无此凶矣

經



離上

集解

程子曰賁序卦嗑者合也物不可以苟合而已故受之以賁賁者飾也

之合則必有文文乃飾也如人之合聚則有威儀上下

物之合聚則有次序行到合則必有文也賁所以次嗑

嗑也為卦山下有火山者草木百物之所聚也下有火

則照見其上草木品彙皆被其光彩有賁飾之象故為

賁賁亨小利有攸往

○音訓賁陸氏曰彼偽反徐甫寄反李執府窳反傳氏云賁古班字

文章貌鄭云變也文有之貌王肅扶

集解

程子曰物有

文反云有文飾黃白色艮宮一世卦

故曰无本不立无文不行有實而加飾則可以亨矣文

飾之道可增其光彩故能小利於進也○朱子曰賁飾

也卦自損來者柔自三來而文二剛自二上而文三自

既濟而來者柔自上來而文五剛自五上而文上又內

離而外艮有文明而各得其分之象故為賁占者以其

柔來文剛陽得陰助而離明於內故為亨以其剛上文

柔而艮止於外
故小利有所往
纂註
徐氏曰有質必有文質者本也文

交錯為文而成卦則剛大柔小乾剛為質於內而柔來
文之本剛得柔大者通矣又六二中正得位无往不通

故亨坤柔為質於外而剛往文之本柔得剛小者利矣
○雙湖先生曰小利有攸往文王卦變例也孔子彖傳

分明以賁自泰變來謂泰上六來文九二之剛泰九二
上文上六之柔則成賁卦朱子又推及損與既濟變來

亦有相文之義若謂自噬嗑變賁則小正指噬嗑六三
言六自三往居四九自四來居三謂之小利有攸往可

也况賁乃噬嗑之反其象尤近意文王所取或在此所
謂小往是也夫子自發柔來剛上相文之義朱子又自

彖傳推廣之大抵卦變一可變六十四由人是取通焉
止矣但謂夫子即文王之說朱子即文王夫子之說則

有所未可也○郭氏京曰不利有攸往與彖傳並誤作
小利○余氏曰本義說卦變專取兩爻相比而相易故

多失正意賁與渙其最著者要當隨地而觀耳至於損益亦是卦變以其不可用相比相易之例遂止曰卦體疑皆未

初九賁其趾舍車而徒

○音訓趾陸氏曰一本然也

作止鄭云趾足晁氏曰

案止古文舍陸音捨象同車陸氏曰音居鄭張璠作與後漢時始有居音晁氏曰案車古文

集解

程子

曰初九以剛陽居明體而處下君子有剛明之德而在下者也君子在無位之地无所施於天下唯自賁飾其所行而已趾取在下而所以行也君子修飾之道正其所行守節處義其行不苟義或不當則舍車輿而寧徒行衆人之所羞而君子以為賁也舍車而徒之義兼於此應取之初比二而應四應四正也與二非正也九之剛明守義不近與於二而遠應於四舍易而從難如舍車而徒行也守節義君子之賁也是故君子所賁世俗所羞世俗所貴一作賁君子所賤以車徒為言者因趾與行為義也○朱子曰剛德明體自賁於下為舍非道

之車而安於徒步之象
占者自處當如是也

纂註

雙湖先生曰趾象見噬嗑
初爻下車前有互坎象初

未入坎體故有舍車徒行象○郭氏雍曰君子以義為
榮不以徒行為辱初九以賤自居舍車而徒所謂窮不

失其義者矣○都氏曰无所乘而行謂之徒行凡易之
義所乘者在下乘之者在上初在下卦之下无所乘也

六二賁其須

○音訓須陸氏曰如字字從彡從水邊作
非鼎氏曰案須與歸妹六三同今文作孺

賤妾

集解

程子曰卦之為賁雖由兩爻之變而文明之
義為重二實賁之主也故主言賁之道飾於

物者不能大變其質也因其實而加飾耳故取須義須
隨頤而動者也動止惟係於一无於字所附猶言惡不

由於賁也二之文明唯其賁飾善惡則係其質也○朱
子曰二以陰柔居中正三以陽剛而得正皆无應與故

二附三而動有賁須之象占
者宜從上之陽剛而動也

纂註

朱氏曰毛在頤曰須
在口曰髭在頰曰髥

三至上有頤體二在頤下須之象二三剛柔相賁賁其須也夫文不虛生須生於頤血盛則煩滋血衰則減耗

○林氏栗曰須九三賁如濡如永貞吉○音訓濡集解所以賁其頤也

程子曰三處文明之極與二四二陰間處相賁賁之盛者也故云賁如如辭助也賁飾之盛光彩潤澤故云濡

如光彩之盛則有潤澤詩云麇鹿濯濯永貞吉三與二四非正應相比而成相賁故戒以常永貞正賁者飾也

賁一作修飾之事難乎常也故永貞則吉三與四相賁又下比於二二柔文一剛上下交賁為賁之盛也○朱

子曰一陽居二陰之間得其賁而潤澤者也然不可溺於所安故有永貞之戒纂註蔡氏曰三

中有坎象故曰濡如坎六四賁如皤如白馬翰如匪寇剛中心亨故永貞吉

婚媾○音訓皤陸氏曰白波反說文云老人貌易賁如皤如董音槩云馬作足橫行曰皤鄭陸績作皤音

燔荀作波翰陸氏曰戶旦反董黃穎云馬舉集解程子曰四

頭高仰也馬荀云高也鄭云白也又寒案反所隔故未獲

與初為正應相賁者也本當賁如而為三動者也未獲

相賁而燔如燔白也未獲賁也馬在下而動者也未獲

相賁故云白馬其從正應之志如飛故云翰如匪為九

三之寇離所隔則婚媾遂其相親矣己之所乘與動於

下者馬之象也初四正應終必獲親第始為其間隔耳

媾古豆反○朱子曰燔白也馬人所乘人白則馬亦白

矣四與初相賁者乃為九三所隔而不得遂故燔如而

其往求之心如飛翰之疾也然九三剛正非為寇者也

乃求婚媾耳附錄朱子語此爻无所賁飾其馬亦纂註

故其象如此白也言无飾之象如此學蒙

王氏大寶曰燔髮白柔飾於柔陰盛陽衰燔如之象○

呂氏曰三近而不相得故為己寇○張子曰六四以柔

居陰性為艮止志堅行潔終无尤也○姚氏小彭曰商

人尚白戎事乘翰翰與燔皆白色○雙湖先生曰燔如

四之自飾也白馬翰如恐是指三言三之來非寇乃是
求婚媾耳馬取互坎震象亦皆以九三成坎震則馬九
三象矣蟠翰皆白色凡物之濕者日乾則白互坎得離
故取白象上九白賁亦蒙此義寇亦坎象不言吉凶者
四守正以待
六五賁于丘園束帛爰爰吝終吉
○音訓
正應可知矣

賁陸氏

曰黃本賁作世束帛陸氏曰子夏云五匹為束二玄三
纁象陰陽爻爻陸氏曰在千反馬云委積貌薛虞云禮
之多也又音賸黃云猥積貌
集解
程子曰六五以陰柔
一云顯見貌子夏作殘殘貌

之質密比於上九剛

陽之賢陰比於陽復无所係應從之者也受賁於上九
也自古設險守國故城壘多依丘坂丘謂在外而近且
高者園圃之地最高近城邑亦在外而近者丘園謂在
外而近者指上九也六五雖居君位而陰柔之才不足
自守與上之剛陽相比而志從焉獲賁於外比之賢賁
于丘園也若能受賁於上九受一作隨其裁制如束帛

而一无而字爰爰則雖其柔弱不能自為為可吝少然
能從於人成貴之功終獲其吉也爰爰剪裁分裂之狀
帛未用則束之故謂之束帛及其制為衣服必剪裁分
裂爰爰然束帛喻六五本質爰爰謂受人剪製而成用
也其資於人與蒙同而蒙不言吝者蓋童蒙而賴於人
乃其宜也非童幼而資貴於人為可吝耳然亨其功終
為吉也○朱子曰六五柔中為貴之主敦本尚實得貴
之道故有丘園之象然陰性吝嗇故有束帛爰爰之象
束帛薄物爰爰淺小之意人而如此

附錄

朱子語貴于丘園束帛爰

爰是箇務農尚儉底意爰爰是狹小不足之義以字義
考之從水為淺從貝為賤從金為錢如所謂束帛爰爰
六五居尊位却如此崇本尚儉便似吝嗇如衛文公漢
文帝是也雖是吝却終吉此在貴卦有反本之義到上
九便白賁和束帛之類都沒了必大問或以爰爰為盛
多貌曰非也爰爰者淺小之義凡淺字箋字皆從爰爰

問淺小是儉之義否曰然所以下文云吝終吉吝者雖
不好看然終却吉去偽賁于丘園是箇務實底束帛爰
爰是賁得不甚大所以說吝兩句是兩意淵問賁于丘
園是在艮體故安止于丘園而不復有外賁之象曰雖
是止體亦是上比於九漸漸到極處若一向賁飾去亦
自不好須是收斂方得問敦本務實莫是反朴還淳之
義曰賁取賁飾之義他日却來賁田園為農圃之事當
賁之時若是鄙吝然終得吉吉則有喜故象云有喜也
○問伊川解賁于丘園指上九而言看來似好蓋賁三
陰皆受賁於陽不應此爻獨異而作敦本務實說也先
生云如何丘園便能賁人束帛爰爰他解作剪裁之象
尤艱曲說不出這八字只平白在這裏若如所說則曲
折多意思速舊說指上九作高尚隱于丘園之賢而用
束帛之禮聘召之若不用某說則此說又近他將丘園
作上九之象束帛爰爰作剪裁分裂
纂註 朱氏曰艮為
之象則與象意大故相遠也學蒙

半為丘而有果蓏園之象○項氏曰艮上爻為山故中
爻為丘園丘園者束帛之所由出○孔氏曰諸儒以為
賁飾丘園之士且爻象无待士之文此則普論為國之
道不尚華飾而貴儉約也若惟用束帛招聘丘園以儉
約待賢豈其義也○雙湖先生曰坤為帛三陰坤
體五艮為手九三一陽間之有艮手束帛之象
上九

白賁无咎集解

程子曰上九賁之極也賁飾之極則失
於華偽唯能質白其實則无過失之咎

白素也尚質素則不失其本真所謂尚質素者非无飾
也不使華沒實耳○朱子曰賁極反本復於无色善補
過矣故其附錄朱子語問白賁无咎曰賁飾之事太盛
象占如此附錄則有咎所以處太盛之終則歸于白賁
勢當然也○闕錄曰如本義說六五上九兩爻却是賁極
反本之意曰六五已有反本之漸故曰丘園又曰束帛
爻爻至上九白賁則反本而復於无飾矣蓋皆賁極之
象也○錄白賁无咎據剛上文柔是不當說自然而卦之

取象不恁地拘纂註龍氏仁夫曰艮上九居靜止之極

各自說一義淵此有道之賢遺去紛華泊然世外

以質素為賁飾者故為无咎之占○朱氏曰五色本於

素五味本於淡五聲本於虛質者文之本也○徐氏之

祥曰易上九三十二爻惟八艮體无凶咎○徐氏曰內

三爻離體以文明為賁外三爻艮體以篤實為賁○項

氏曰離主飾艮主白○李氏舜臣曰雜卦賁无色也其

白賁之謂乎夫卦以賁飾為義而初九舍車而徒以示

素履於一步之初六五束帛戔戔而躬行素儉之禮於

九重之上諸爻所以相賁大率皆清修潔白而非浮靡

之事至於上九白賁則凡世間之色无可觀矣大

哉賁无色也非知未始有易之初者不足以語此

傳山下有火賁君子以明庶政无敢折獄

○音訓明陸氏曰蜀才作

命折陸集解程子曰山者草木百物之一无之字所聚
之舌反生也火在其一元其字下而上照庶類皆

被其光明為賁飾之象也君子觀山下有火明照之象以修明其庶收成文明之治而无果敢於折獄也折獄者人君之所致慎也豈可恃其一无其字明而輕自用乎乃聖人之用心也為戒深矣象之所取唯以山下有火明照庶物以用明為戒而賁亦自有无敢折獄之義折獄者專用情實有文飾則沒其情矣故无敢用文以折獄也○朱子曰山下有火明不及遠明庶政事之小者折獄事之大者內離明而外艮止故取象如此附錄朱子語問本義云明庶政是明之小者无折獄是明之大者此專是就象取義伊川說此則又就賁飾上說不知二說可相備否先生曰明庶政是就離上說无折獄是就艮上說離明在內艮止在外則是事之小者可以用明折獄是大事一折便了有止之義明在內不能及它故止而不敢折也大凡就象中說則意味長若懸空說道理雖說得去亦不甚親切也易說山下有火賁離下艮上內明外止雖內明是箇殺底明所以不敢

用其明以折獄此與山上有火旅君子以明慎用刑而
不留獄正相似而相反責內明外止旅外明內止艮下
離上故其象不同如此個問苟明見其情罪之是非亦
何難於折獄曰是他自有箇象如此遇着此象底便用
如此然獄亦自有十三八棒便了底亦有須待囚訊鞠
勘錄問結證而後了底書曰要囚服念五六日至子旬
時王蔽要囚周禮秋官亦有此數句便是有合如此者
若獄未具而決之是所謂敢折獄也若獄已具而留之
不決是所謂留獄也不留獄者謂
囚訊結證已畢而即決之也個
纂註蔡氏曰有山之
則光彩外著貴之象也明庶政離明象政者治之具所
當文飾也无敢折獄艮止象折獄貴乎情實貴則文飾
而沒其情矣○程氏曰離為刑獄之象凡四卦貴旅不
嫌於用明故稱火豐噬嗑稱電者暫明於幽暗之間不
以為彖傳貴亨集解朱子曰亨
柔來而文剛故亨分剛
常也

上而文柔故小利有攸往天文也

○音訓上
陸時掌反
集解
朱子曰

卦變釋卦辭剛柔之交自然之象故曰天文先

纂註

蔡氏

儒說天文上當有剛柔交錯四字理或然也

曰柔來而文剛二也坤下交乾而為離也分剛上而文

柔上也乾上交坤而為艮也○朱氏曰於柔言來則知

剛上者往也於剛言上則知柔來者下也○馮氏椅曰

柔自上而來文乾之剛柔陰小也所謂亨小指六二也

分二之剛上於上而文坤之柔所謂利有攸往指上九

也今本誤於卦下便添一亨字却於亨字下移一小字

置於利有攸往之上錯亂文義今當正之曰柔來而文

剛故亨小分剛上而文柔故利有攸往則理與象不舛

謬矣又曰柔不能自亨麗於剛則亨故亨曰小剛不皆

利分於上則利故利有攸往其下文則因上文以推廣

卦義○郭氏京曰天文上脫剛柔交錯一句此夫子廣

美賁卦有天文之象欲人君取義以理化人審詳天文

及人文誤

文明以止人文也集解

程子曰卦為賁飾之象以上下二體剛柔

交相一作相交為文飾也下體本乾柔來文其中而為離上體本坤剛往文其上而為艮乃為山下有火止於文明而成賁也天下之事元賁不行故賁則能亨也柔來而文剛故亨柔來文於剛而成文明之象文明所以為賁也賁之道能致亨實由飾而能亨也分剛上而文柔故小利有攸往分乾之中爻往文於艮之上也事由飾不加盛由飾而能行故小利有攸往夫往而能利者以有本也賁飾之道非能增其實也但加之文彩耳事由文而顯盛故為小利有攸往亨者亨通也往者加進也二卦之變共成賁義而象分言一无言字上下各主一事者蓋離明足以致亨文柔又能小進也天文也文明以止人文也此承上文言陰陽剛柔相文者天之文也止於文明者人之文也止謂處於文明也質必有文自然之理理必有對待生生之本也有上則有下有此

則一作必字有彼有質則有文一不獨立二則為文非知道者孰能識之天文天之理也人文人之道也○朱

子曰又以卦德言觀乎天文以察時變集解程子曰天之止謂各得其分

星辰之錯列寒暑陰陽之代變觀乎人文以化成天下觀其運行以察四時之遷改也

集解程子曰人文一人理之倫序觀人文以教化天下天一元字下一无下字成其禮俗乃聖人用貴之

道也貴之象取山下有火又取卦變柔來文剛剛上文柔凡卦有以二體之義及二象而一无而字成者如屯

取動乎險中與雲雷訟取上剛下險與天水違行是也有取一爻者成卦之由也柔得位而上下應之曰小畜

柔得尊位大中而上下應之曰大有是也有取二體又取消長之義者雷在地中復山附於地剝是也有取二

象兼取二爻交變為義者風雷益兼取損上益下山下有澤損兼取損下益上是也有既以二象成卦復取爻

之義者夫之剛決柔始之柔遇剛是也有以用成卦者
異乎水而上水井木上有火鼎是也鼎又以卦形為象
有以形為象者山下有雷頤頤中有物曰噬嗑是也此
成卦之義也如剛上柔下損上益下謂剛居上柔在下
損於上益於下據成卦而言非謂就卦中升降也如訟
无妄云剛來豈自上體而來也凡以柔居五者皆云柔
進而上行柔居下者也乃居尊位是進而上也非謂自
下體而上也卦之變皆自乾坤先儒不達故謂賁本是
泰卦豈有乾坤重而為泰又由泰而變之理下離本乾
中爻變而成離上艮本坤上爻變而成艮離為內故云
柔來艮在上故云剛上非自下體而上也乾坤變而為
六子八卦重而為六十四皆由乾坤之變也○朱子曰
極言賁道纂註胡氏允曰日月五星之運錯行乎二十
之大也
柔交錯乎六位者也君臣父子兄弟夫婦朋友燦然有
禮以相接者文之明也截然有分以相守者文之止也

是則卦中離明而艮止者也。聖人南面而立，視昏旦之
星、日月之次，以知四時寒暑之變，觀君臣父子兄弟夫
婦朋友之文，則導以禮樂風以詩書，彰以車服，辨以采
章，而化成於天下。○雙湖先生曰：文王賁卦彖辭惟曰
賁亨，小利有攸往，蓋指卦中一陰先往而後剛來以成
卦。小指陰柔言也。今夫子彖傳則曰：柔來而後剛上，是
論卦變不同於文王矣。且其曰：剛柔相文，曰：天人之文
是又全發己意。彖辭所未有也。若是者，不謂之夫子不
盡同於先聖可乎？以三畫卦論柔來文剛而在離中有
人文之象，則上文柔而在艮上有天文之象，互震為春
互坎為冬，而包夏秋於其間，有察時變之象。因六二之
來而離文明之卦已成，又有化成天下之象焉。細玩其
辭而卦象昭然可見矣。

小象傳舍車而徒義弗乘也

○音訓弗晁氏曰：鄭王作

不集解

程子曰：舍車而徒行者，於義不可以乘也。初應四正也，從二非正也，近舍二之易而從四之難。

舍車而徒行也君子之貴守其義而已

纂註

蔡氏曰處卦最下亦

○朱子曰君子之取舍決於義而已

理元可乘之者

故曰義弗乘也

貴其須與上興也

集解

程子曰以須為象者謂其與上

同興也隨上而動動止唯係所附也猶加

纂註

袁氏曰陰不能

飾於物因其質而貴之善惡在其質也

以自明也得陽而後明柔不能以自立也得

剛而後立下不能以自興也得上而後興

永貞之吉

終莫之陵也

集解

程子曰飾而不常且非正一有則字人所陵侮也故戒能永正則吉也其

賁既常而正

纂註

蔡氏曰陵侮也三能永貞則三柔雖誰能陵之乎

也

六四當位疑也匪寇婚媾終无尤也

集解

程子曰四與初

相遠而三介於其間是所當之位為一元為字可疑也雖為三寇讎所隔未得親其婚媾然其正應理直義勝

終必得合故云終无尤也尤怨也終得相賁故无怨尤也○朱子曰當位疑謂所當之位可疑也終无尤謂若守正而不與纂註潘氏曰初四正應始雖疑亦无他患也慮終必自合復何尤哉六五之吉

有喜也

○音訓喜陸氏曰如字徐集解程子曰能從人許意反无妄大畜卦放此以成賁之功享

其吉美是有喜也是

白賁无咎上得志也集解

程子曰白賁无咎以其在上而得志

也上九為得志者在上面而文柔成賁之功六五之君又受其賁故雖居无位之地而實尸賁之功為得志也與它卦居極者異矣既在上而得志處賁之極將有華偽失實之咎故戒以質素則无咎飾不可過也附錄朱子語問何謂得志曰居卦之上在事之外不假文飾而有自然之文便是優游自得也錄

經



坤下集解

程子曰剥序卦賁者飾也致飾然後亨則盡矣故受之以剥夫物至於文

飾亨之極也極則必反故賁終則剝也卦五陰而一陽陰始自下生漸長至於盛極羣陰消剝於陽故為剝也

以二體言之山附於地山高起地上而反附着於地頽剝之象也

剝不利有攸往

○音剝訓剝

陸氏曰邦角反馬云落也集解程子曰剝者羣陰長盛說文云裂也乾宮五世卦集解消剝於一作一字陽之

時衆小人剝喪於一无於字君子故君子不利有所往唯當巽言晦迹隨時消息以免小人之害也○朱子曰

剝落也五陰在下而方生一陽在上而將盡陰盛長而陽消落九月之卦也陰盛陽衰小人壯而君子病又內

坤而外艮有順時而止之象故占得之者不可以有所往也

纂註

馮氏栢曰剝如剝藁之剝擊也又邦

角切割也裂也諸爻以割裂為義或曰王介父晚悟幽詩剝藁之義蓋落之也非自落也○雙湖先生曰不利

有攸往戒陽也有挽留一陽意體艮止之象也若初六一陽更往則剝而為坤陽道盡矣如之何可往哉**初六**

剥牀以足蔑貞凶

俗○音訓蔑陸氏曰莫結反猶削也楚

荀作

集解

程子曰陰之剥陽自下而上以牀為象者取

以足剥牀之足也剥始自下故為剥足陰自下進漸消

蔑於一无於字貞正凶之道也蔑无也謂消亡於正道

也一作消亡正道也一作消亡於正也陰剥陽柔變剛

是邪侵正小人消君子其凶可知○朱子曰剥自下起

滅正則凶故其纂註之象○蔡氏曰牀者人之所安其

占如此蔑滅也

體則上實下虛故取以象剥足在下又取以象初蔑无

也貞正也剥于下而自失其正故曰蔑貞陽不可无也

蔑貞凶故戒○徐氏曰初二取剛既遠故皆曰蔑貞○

朱氏曰蔑无之也无君子之正則凶也○李氏舜臣曰

陽正陰邪以陰蔑陽故曰蔑貞剥卦陰爻凡五六三舍

羣陰以應上九故无咎六五以宮人之寵待羣陰而殺

其權故无不利若初六六二六四則居剥之世專以陰
剥陽者故三爻皆因剥牀而凶是則聖人雖於陰類當
長之時猶不許小人之害君子其戒昭然也○雙湖先
生曰下四陰爻雖因已成之卦繫辭其實各原其初剥
陽言之蓋卦本純乾也初之幾貞貞其始之時乎二之幾
貞其遯之時乎但以剥陽為幾貞不以位論矣三之无
咎其否之時乎四之凶其觀之時乎五之以宮人寵正
當剥之時也聖人既於觀四別取觀國之光義而於剥
五又取率羣陰以受制於陽為利焉至上九直象
之以不食之碩果其扶陽抑陰之意每如此夫 六二

剥牀以辨蔑貞凶

○音訓辨陸氏曰徐音辨具之辨足上○黃云牀賁也薛虞云膝下也鄭

符勉反晁氏曰案古文作分今文作辨鄭作辨云足上
稱辨謂近膝之下屈則相近申則相遠故謂之辨辨分
也崔憬云集解程子曰辨分隔上下者牀之幹也陰漸
辨牀控也

矣○朱子曰辨牀幹也進而上矣

附錄

朱子語問初與二蔑貞凶是以陰剥陽小人蔑君子之正道凶

之象也不知只是陽與君子當之則凶為復陰與小人亦自為凶曰自古小人滅害君子終亦有凶但此爻象只是說陽與纂註孔氏曰辨謂牀身之下足之上分辨君子之凶也○胡氏曰初民之象故曰足四切近於君故曰膚二居膚足之間是上下分六三剥之辨之際人臣之位也始剥於民又剥於臣

无咎

○音訓六三剥无咎今本有之字陸氏曰一本作剥之无咎非晁氏曰案京劉荀爽一行皆无之字

集解

程子曰衆陰剥陽之時而三獨居剛應剛與上下之陰異矣志從於正在剥之時為无咎者也三之

為可謂善矣不言吉何也曰方羣陰剥陽衆小人害君子三雖從正其勢孤弱所應在无位之地於斯時也難乎免矣安得吉也其義為无咎耳言其无咎所以勸也○朱子曰衆陰方剥陽而已獨應之去其黨而從正无

咎之道也占者纂註

馮氏荷曰剥之无咎有之字非後人以其有之字遂疑經脫此一字

增入也○丘氏曰剥下五陰皆剥陽者而處其中獨與

上應不忍黨邪以害正是小人而知有君子也故在剥

之時為无咎○王氏宗傳曰六三小人之君子也失

上下之羣陰而與上九協焉可无取乎○李氏過曰聖

人未嘗不開小人為善之門○楊氏文煥曰復之六四

中行獨復者以居四陰之中而不陷者也剥之六三剥

之无咎者舍四陰

之朋而應上也

六四剥牀以膚凶

○音訓膚陸氏曰方于反京作簠謂

祭集解程子曰始剥於牀足漸至於膚膚身之外也將

器集解滅其身矣其凶可知陰長已盛陽剥已甚貞道

已消故更不言幾貞直言凶也○朱子曰纂註毛氏曰

陰禍切身故不復言幾貞而直言凶也

體故曰膚○張氏汝弼曰艮為膚噬嗑六二噬膚互艮

體○馮氏荷曰一陽與四同為艮體初剥及艮陽之膚

也○郭氏雍曰六四上
體居牀之上則膏矣

六五貫魚以宮人寵无不利音○

訓貫陸氏曰古亂

集解

程子曰剥及君位剥之極也其
凶可知故更不言剥而設義以

反徐音宦穿也
開小人遷善之門五羣陰之主也魚陰物故以為象五
能使羣陰順序如貫魚然反獲寵愛於在上之陽如宮
人則无所不利也宮人宮中之人妻妾侍使也以陰言
且取獲寵一作親愛之義以一陽在上衆陰有順從之
道故發此義○朱子曰魚陰物宮人陰之美而受制於
陽者也五為衆陰之長當率其類受制於陽故有此象
而占者如是纂註齊氏曰九家易巽為魚剥陰積為巽
則无不利也纂註者四姤遯否觀皆有巽故於剥六五
言貫魚六五四陰之主也艮手持之亦有貫魚象○虞
氏曰艮為門闕為宮室○張氏汝弼曰柔得尊位衆陰
以次相傳有后以宮人備數進御於君之象○馮氏當
可曰五陰剥陽意極不善至是乃肯為宮人之寵以六

五本柔順而得中以率其下也○楊氏時曰先王之時
六宮各率其屬以時進御于王所九嬪掌之御叙于王
之燕寢女御掌之而嬪御之職皆列于天官太宰涖之
則燕好嬖昵之私不得干其上矣貫魚之象也○項氏
曰女治內事雖王后三夫人九嬪二十七世婦八十一
御妻森然並列受寵於內亦於國家何不利之有又曰
以宮人言之則五為王后與君同處四為夫人佐后三
為九嬪主九御下卦之長也二為世婦初為御妻五者
循序而進以治陰事以當夜時如剝之五陰但用於午
未申酉戌之月亦在天道未為不利也若用於陽月以
侵發生之事則為屬氣耳此爻別明後宮之義以見小
人但以此寵之則无害也○南軒張氏曰五雖君位而
卦有陰為主不取君義者坤剝遯明夷歸妹旅也非
人君所處故无君義○雙湖先生曰易以天道明人事
卦至九月五陰既長謂觀九五不剝為陰不可也特聖
人繫爻不言陰剝陽但言處剝之道此便是扶陽抑陰

挽回世道之微意雖然亦卦爻本有此象聖人因而發之陰陽消長固有必然之勢人事之盡自有轉移之妙也魚五陰象貫一陽象寵待也寵之以宮上九碩果不人如畜之以臣妾柔而服之无不利矣

食君子得與小人剥廬

○音訓得與陸氏曰京作德與董作德車晁氏曰案車古文

集解

程子曰諸陽消剥已盡獨有上九一爻尚存如一碩大之果不見食將見復生之理上九亦一作一

作已變則純陰矣然陽无可盡之理變於上則生於下元間可容息也聖人發明此理以見陽與君子之道不可亡也或曰剥盡則為純坤豈復有陽乎曰以卦配月則坤當十月以氣消息言則陽剥一有盡字為坤陽一有復字來為復一有無字陽未嘗盡也剥盡於上則復生於下矣故十月謂之陽月恐疑其无陽也陰亦然聖人不言耳陰道盛極之時其亂可知亂極則自當思治故衆心願載於君子君子得與也詩匪風下泉所以居

變風之終也。理既如是在卦，亦衆陰宗陽爲共載之象。小人剥廬，若小人則當剥之極，剥其廬矣。无所容其身也。更不論爻之陰陽，但言小人處極則及其廬矣。廬取在上之象，或曰陰陽之消一作交，必待盡而後復生於下。此在上便有復生之義，何也？夬之上六何以言終有凶？曰：上九居剥之極，止有一陽，陽无可盡之理，故明其有復生之義。見君子之道不可亡也。夬者陽消陰，陰小人之道也。故但言其消亡耳。何用更言却有復生之理乎？○朱子曰：一陽在上，剥未盡而能復生。君子在上則爲衆陰所載，小人居之則剥極於上，自失所覆而无復碩果得與之象矣。取象既明而君子附錄。程子語問：十小人其占不同。聖人之情益可見矣。附錄。月何以謂之陽？月曰：十月謂之陽。月者陽盡，恐疑於无陽也。故謂之陽。月也。然何時无陽？如日有光之類。盖陰陽之氣有常存而不移者，有消長而无窮者。○朱子語上九之象，謂一陽在上，如碩大之果，人不及食而獨留於其上，如君

子在上而小人皆載於下則是君子之得與也然小人雖載君子而乃欲自下而剥之則是自剥其廬耳蓋唯君子乃能載蓋小人小人必賴君子以保其身今小人欲剥君子則君子亡而小人亦无所容其身如自剥其廬也且看自古小人欲害君子則害得盡後國破家亡其小人曾有存活得者否故聖人象曰君子得與民所載也小人剥廬終不可用也若人占得此爻則為君子之所為者必凶矣其象如此而理在其中却不是因欲說道理而後說象也時舉碩果不食只不食便有復生之意不必云推廣而言也荅方士繇小人剥廬是說陰到這裏時把它這些陽都剥了此是自剥其廬舍无安身已處衆小人托一君子為庇覆若更剥了是自剥其廬舍便不成剥了淵或問碩果不食伊川謂陽无可盡之理變於上則生於下无間可容息也變於上則生於下乃剥復相因之理畢竟須經由坤坤卦純陰无陽如此則陽有斷滅也何以能生

於復曰凡陰陽之生一爻當一月須是滿三十日方滿
得那腔子做得一畫成今坤卦非是无陽始生甚微未
滿那腔子做一畫未成非是坤卦純陰便无陽也然此
亦是甚深奧事但伊川當時解不曾分明道與人故令
人做一件大事看文蔚陽无可盡之理說得甚精且以
卦配月剥九月坤十月復十一月剥一陽尚存復一陽
己生又坤純陰陽氣闕了三十日安得謂之无盡嘗細
考之這一陽不是剗地生來才交立冬便萌芽下面有
些氣象了上面剥一分下面便萌芽一分上面剥二分
下面便萌芽二分積累到那復處方成箇一陽坤初六
便是陽己萌芽自觀至剥三十日剥方盡自剥至坤
三十日方成坤三十日陽漸長至冬至方是一陽第二
陽方從此生去陰剥每日剥三十分之一一月方剥得
盡陽長每日長三十分之一一月方長成一陽陰剥時
一日十二刻亦每刻中漸漸剥全一日方剥得三十分
之一陽長之漸亦如此長黃榦舉冬至子之半先生曰

正是及子之半方成一陽子之半後第二陽方生陽元
可盡之理這箇才剥盡陽當下便生不曾斷續伊川說
這處未分曉似欠兩句在中間方說得陰剥陽生不相
雜處虞復之云恰似月弦望便見陰陽生逐旋如此陰
不會一上剥陽不會一上長也寓揚至問十月何以為
陽月先生因反詰諸生令思之云程先生於易傳中雖
發其端然終說得不透徹諸生以所見答皆不合復請
問其旨先生云剥盡為坤復則一陽生也復之一陽不
是頓然便生乃是自坤卦中積來且一月三十日以復
之一陽分作三十分從小雪後便一日生一分上面趲
得一分下面便生一分到十一月半一陽始成以此便
見得天地无休息處時舉九月陰極則陽已下生謂如
六陽成六段而一段又分作三十小段從十月積起至
冬至成一爻不成一陽是陡頓生亦須以分毫積起且
天運流行本无一息間斷豈解一月无陽且如木之黃
落時萌芽已生了不特如此木之冬青者必先萌芽而

後舊葉方落若論變時天地無時不變如楞嚴經第二
卷首段所載非惟一歲有變月亦有之非惟月有變日
亦有之非惟日有變時亦有之但人不知耳此說亦是
義剛陽无驟生之理如冬至前十月中氣是小雪陽已
生三十分之一分到得冬至前幾日須已生到二十七
八分到至日方成一畫不是昨日全无今日一旦便都
復了大抵剥盡處便生如列子所謂運轉无已天地密
移疇覺之哉凡一氣不頓進一形不頓虧亦是不覺其
成不覺其虧蓋陰陽浸消浸長人之一身自少及老亦
莫不然賀孫如人胞胎十月具方成箇兒子陳植剥上
九一畫分為三十分一日剥一分至九月盡方盡然剥
於上則生於下无間可息至十月初一日便生一分積
三十分而成一畫但其始未著耳至十一月則此畫已
成此所謂陽未嘗盡也道夫問陰亦然今以夫乾姤推
之亦可見矣但所謂聖人不言者何如答曰前日劉履
之說蔡李通以為不然熹以分明是如此但聖人所以

不言者這便是一箇參贊裁成之道蓋抑陰而進陽長善而消惡用君子而退小人這便可見此理自然恁地

雖堯舜之世豈无小人但有聖人壓在上面面不容他出而有為耳豈能使之无邪劉履之曰蔡李通嘗言陰不

可以抗陽猶地之不足以配天此固然之理也而伊川乃謂陰亦然聖人不言耳元定不敢以為然也道夫

纂註

張氏汝弼曰剥自乾變乾為木果下應六三不為所剥故不食○馮氏椅曰陽為大故稱碩果○丘

氏曰果中有核實也核中有仁仁也仁則生矣此自剥而復也○朱氏曰坤為輿為眾艮為舍廬象○蔡氏曰

君子謂剛輿在下載上謂眾柔主剛言則一剛在上乘眾陰君子得輿象小人眾柔廬在上底下謂剛主柔言

眾柔下進剥剛小人剥廬象○楊氏曰貫魚者眾陰在下之象也碩果者一陽在上之象也

大象傳

山附於地剥上以厚下安宅集解

程子曰艮重於坤山附於地也山高起於

地而反附着於地。地剝之象也。上謂人君與居人上者。觀剝之象而厚固其下以安其居也。下者上之本。未有基本固而能剝者也。故上一作山之剝。必自下剝。則上危矣。為人上者。知理之如是。則安養人民以厚其本。乃所以安其居也。書曰：附錄。朱子語問：上以厚下安宅。民惟邦本。本固邦寧。附錄。安宅者。安於禮義而不遷。否曰：非也。厚下者。乃所以安宅。如山附於地。惟其地厚。所以山安其居而不搖。人君厚下以得民。則位亦安。而不搖。猶所謂本。纂註。蔡氏曰：厚下。坤象。安宅。艮象。○毛固邦寧也。○馮氏椅曰：以上下厚薄取象。而不以不主乎卦體也。○馮氏椅曰：以上下厚薄取象。而不以陰陽消長為義。此聖人用卦之微權也。○雙湖先生曰：剝者。崩頽之義。五陰自下而上。剝一陽。將見艮剝為坤。則山剝為地矣。山附於地。未可言剝。然以五陰剝一陽。言之。則有山崩為地之勢。故名之曰剝。為人上者。觀象而知。所以厚下安宅。則又善於用剝者也。○司馬公曰：

基薄則牆頽下薄則上危故君
子厚其下者所以自安其居也
彖傳剥剥也柔變剛也

集解

朱子曰以卦體釋卦名義

纂註

郭氏京曰剥剥落也脱落字其落字

本與剥字成義若无落字義亦不圓○蔡氏曰五柔將
變上剛而為柔也○陳氏友文曰夬彖曰剛決柔此曰

柔變剛何也曰此君子小人之辨也君子剛明果斷小
人陰賊險狠君子去小人聲其罪與天下共棄之名正

言順故曰決小人之欲去君子辭不順理不直必萋斐
浸潤以侵蝕之使之日銷月鑠而不自知故曰變一字

之間君子小人之情狀皦然矣
不利有攸往小人長也

○音訓長集解
陸丁丈反

程子曰剥剥也謂剥落也柔變剛也柔長而剛剥也夏
至一陰生而漸長一陰長則一陽消至於一元於字建

成則極而成剥是陰柔變剛陽也陰小人之道方順而
長盛而剥消於一作剛陽故君子不利有所往也

止之觀象也君子尚消息盈虛天行也集解

程子曰君子當剝之

時知不可有所往順時而止乃能觀剝之象也卦有順止之象乃處剝之道君子當觀而體之君子尚消息盈

虛天行也君子存心消息盈虛之理而能順之乃合乎天行也理有消衰有息長有盈滿有虛損順之則吉逆

之則凶君子隨時敦尚所以事天也○朱子曰以卦體卦德釋卦辭纂註

丘氏曰剝言不利有攸往則曰

順而止復言利有攸往則曰以順行於柔長而戒之使止者所以憂小人之進於剛長而勉之使行者所以喜

君子之來觀聖人利不利之辭則知其為君子發也○馮氏椅曰順而止之以卦性告筮者觀此之象順小人

方長之勢而止之使不至為坤盡去君子耳○楊氏萬里曰不利有攸往此君子處剝之道也蓋觀諸剝之象

乎坤順艮止止亂以順止小人亦以順順而止之非逆而激之此君子治剝之道也○胡氏允曰消者始也息

者復也盈者乾也虛者坤也此言十二卦之往來皆天道之運行君子尚之者以明剥不終剥而有復止不終止而有行也○李氏舜臣曰消息盈虛乃時運之使然君子尚之與時偕行雖處剥之時而不至於咨嗟感憂而變其所守者知其後之必復而屏心寧耐以待也不然不憤羣陰之進盡力以抗則必激起其蠱尾之毒甘受其摧剥糜爛之禍而不可救藥矣○雙湖先生曰順而止之固止小人之進亦是止君子之去夫當剥亂之世一君子在上止而不小象傳剥牀以足以滅下也集解程子曰取牀足為象者以陰侵沒陽於下也滅沒也侵滅正道自下而上也剥牀以辨未

有與也集解

程子曰陰之侵剥於一作剛陽得以益盛至於剥辨者以陽未有應與故也小人侵

剥君子若君子有與則可以勝小人不能為害矣唯其无與所以被蔑而凶當消剥之時而无徒與豈能自存

也言未有與剥之未盛有與猶可勝也
示人之意深矣○朱子曰言未大盛

纂註

丘氏曰陰

陽相應則為有與困九四應初六言有與是也陰陽不
應則為无與井九二不應九五言无與是也咸六爻皆

應則為感應以相與艮六爻皆不應則謂之敵應不相
與剥之未有與者是言當剥之時在上未有陽以應陰

无以止陰之進也大凡小人為害使其間有一君子與
之為應以遏止之則其心猶有所顧忌而不敢肆使雖

為惡未至如是之甚也惟其未有與此剥道所以進長
而不可救也聖人於此不謂之无與而謂之未有與蓋

不忍陰邪之害正而猶冀有剥之无咎失上下也○音

人以止之也其意深矣亦通

集解

程子曰三居剥而无咎者其

之晁氏曰多此之字

所處與上下諸陰不同是與

己具卦中餘例此

其同類相失於處剥之道為无咎如東附錄朱子語
漢之呂強是也○朱子曰上下謂四陰

附錄

朱子語

應上六然曰君子夫夫則非不決小人也但聖人以壯
于煩為戒耳剥之六三雖處羣陰之中然象以失上下
明之而程傳又以呂強當其事則其心跡亦不相違矣
蓋心迹无可判之理程書言之詳矣吾徒所宜深考也

纂註

丘氏曰上謂四五下謂初二違去
四陰而獨從剛故曰失上下也

剥牀以膚切近

災也

○音訓切近陸氏曰如字
徐巨靳反鄭云切急也

集解

程子曰五為君位
剥己及四在人則

剥其膚矣剥及其膚身垂
於亡矣切近於災禍也

纂註

楊氏時曰剥牀以足
辨剥其所安而已六四

履近君位則剥及膚矣
其為災也不切近乎

以宮人寵終无尤也

集解程子曰羣

陰消一无消字剥於一无於字陽以至於極六五若能
長率羣陰駢首順序反獲寵愛於陽則終无過尤也於
剥之將終復發此義聖人
勸遷善之意深切之至也

君子得輿民所載也小人剥

廬終不可用也集解

程子曰正道消剥既極則人復思治故陽剛君子為民所承載也若

小人處剥之極則小人之窮耳終不可用也非謂九為小人但言剥極之時小人如是也

經

䷁ 震下坤上

集解

程子曰復序卦物不可以終盡剥窮上反下故受之以復物元剥盡之理

故剥極則復來一无來字陰極則陽生陽剥極於上而復生於下窮上而反下也復所以次剥也為卦一陽生於五陰之下陰極而陽復也歲十月陰盛既極冬至則一陽復生於地中故為復也陽君子之道陽消極而復反君子之道消極而復長也故為反善之義

復亨出入无疾朋來无咎

○音訓復

陸氏曰音服還也坤宮一世卦朋陸氏曰如字京作崩

集解

程子曰復亨既復則亨也陽氣復生於下

漸亨盛而生育萬物君子之道既復則漸以亨通澤於天下故復則有亨盛之理也出入无疾出入謂生長復

生於內也長進於外也先云出語順耳陽生非自外也來於內故謂之入物之始生其氣至微故多屯艱

陽之始生其氣至微故多推折春陽之發為陰寒所折觀草木於朝暮則可見矣出入无疾謂微陽生長无害

之者也既无害之而其類漸進而來則將亨盛故无咎也所謂名在氣則為差忒在君子一有之道字則為抑

塞不得盡其理陽之當復雖使有疾之固不能止其復也但為阻礙耳而卦之才有无疾之義乃復道之善也

一陽始生至微固未能使羣陰而發生萬物必待諸陽之來然後能成生物之功而无差忒以朋來而无咎也

三陽子丑寅之氣生成萬物衆陽之功也若君子之道既消而復豈能便勝於小人必待其朋類漸盛則能協

之以勝附錄朱子曰方一陽生未有朋類畢竟是陽長

將次並進以其為君子之纂註李氏舜臣曰陽反而復道故亨通而无咎也

故曰復亨○程氏曰陽復於內有應在外
故亨○李氏過曰陽道長矣是以亨也

反復其道七

日來復利有攸往

○音訓復陸氏曰方福
反○劉本同又作覆彖同

集解

程子曰

之道反復迭至陽之消至七日而來復始陽之始消也
七變而成復故云七日謂七更也臨云八月有凶謂陽
長至於陰長歷八月也陽進則陰退君子道長則小人
道消故利有攸往也○朱子曰復陽復生於下也剥盡
則為純坤十月之卦而陽氣已生於下矣積之踰月然
後一陽之體始成而來復故十有一月其卦為復以其
陽既往而復反故有亨道又內震外坤有陽動於下而
以順上行之象故其占又為己之出入既得无疾朋類
之來亦得无咎又自五月始卦一陰始生至此七爻而
一陽來復乃天運之自然故其占又為反復其道至於
七日當得來復又以剛德方長故其占又為利有攸往
也反復其道往而復來來而復往之意七日者所占來

復之期也附錄程子語近取諸身百理皆具屈伸往來之義

將既屈之氣復為方伸之氣生生之理自然不息如復言七日來復其間元不斷續陽已復生物極必返其理

須如此有生便有死有始便有終入關錄凡物之散其氣遂盡无復歸本原之理天地間如洪爐雖生物消鍊

亦盡沉既散之氣豈有復在天地造化又焉用此既散之氣其造化者自是生氣至如海水潮日出則水涸是

潮退也其涸者已无也月出則潮水生也非却是將已涸之水為潮此是氣之終始開闔便是易一闔一闢謂

之變○朱子語七日只取七義猶八月有凶只取八義淵七日來復終不是已往之陽重新將來復生舊底已

自過了這裏自然生出來纂註蔡氏曰出謂由剥上出

這一章意思最好賀孫仁而為復又曰陽自建午之月漸消漸剥至建子之月而

為復在卦經七爻於時經七月故曰七日來復不言月

而言日者猶詩所謂一之日二之日也○李氏鼎祚曰
剥畫隔坤復來成震七日來復之義先儒已論各指於
日月○朱氏曰先儒褚氏莊氏云五月一陰生至十一
月一陽生凡七月而云日不云月者欲見陽長須速故
變月言日○李氏舜臣曰自子至午自午至子數不過
七一辰是為一日歲月日時之運皆然而易爻象之故
畫六而止至七則變此聖人作易之成說也又曰於臨
曰八月有凶於復則曰七日來復陽消而數月者幸其
消之遲陽長而數日幸其長之速也○鄭氏剛中曰七
者陽數日者陽物故於陽長言七日八者陰數月者陰
物臨剛長以陰為戒故曰八月此日月之辨也○雙湖
先生曰復卦彖辭文王於一陽之復何其愛之深而勞
問喜慶之至也若曰一陽初復有亨道矣昔也出而今
也入得九疾病乎朋類將來為臨為泰庶幾无過咎乎
自反而復還在道七日始遂來復而今而後其庶乎利
有攸往矣往則為師為謙為豫為比无所不利矣此皆

勞問喜慶之辭也回視一陰生為姤女壯勿用取女之戒其鄙惡棄擲之意為何如吁此陰陽也其類則君子

小人之分也然則為小人者亦何樂於取人惡而不樂於使人好也初九不遠復无祗悔

元吉

○音訓祗陸氏曰音支辭也馬之是反辭也韓伯

支反云安也九家本作𢇛字音支晁氏曰京劉一行作祗安也廣雅作𢇛多也說之案祗古文用多字其作祗

者尤非說文祗

集解

程子曰復者陽反來復也陽君子

裋短衣音低

之道故復為反善之義初剛陽來

復處卦之初復之最先者也是不遠而復也失而後有復不失則何復之有唯失之不遠而復則不至於悔大

善而吉也祗宜音祗抵也玉篇云適也義亦同无祗悔不至於悔也坎卦曰祗既平无咎謂至既平也顏子无

形顯之過夫子謂其庶幾乎无祗悔也過既未形而改何悔之有既未能不勉而中所欲不踰矩是有過也然

其明而剛故一有不善未嘗不知既知未嘗不遽改故
不至於悔乃不遠復也祇陸德明音支玉篇五經文字
羣經音辨並見衣部○朱子曰一陽復生於下復之主
也祇祇也又居事初失之未遠能復於善不抵於悔大
善而吉之道也附錄朱子語問不遠復无祇悔祇字何
故其象占如此訓曰書中祇字只有這祇字使得
來別看來只得解做至字又有訓多為祇者如多見其
不知量也多祇與只同個復雖一陽生然而與衆陰不
相亂如人之善端方萌雖小而為衆惡所遏底意思
學家問一陽復在人言之只是善端萌處否曰以善言
之是善端方萌處以惡言之昏迷中有悔悟向善意便
是復如睡到忽然醒覺時亦是復氣象又如人之沉滯
道不得行到極處忽少亨通雖未大行已有可行之兆
亦是復這道理千變萬化隨所在无不渾淪湧出入无
時是此心豈知雖犬易追尋請看屏上初爻旨便識名
齋用意深復齋偶題昔者聖人作易以擬陰陽之變於

陽之消於上而息於下也。為卦曰復復反也。言陽之既往而來反也。夫大德敦化而川流不窮。豈假夫既消之氣以為方息之資也哉。亦見其絕於彼而生於此。而因以著其往來之象耳。惟人亦然。太和保合善端無窮。所謂復者。非曰追夫已放之心而還之。錄夫已棄之善而屬之也。亦曰不肆焉。以騁於外。則本心全體即此而存。固然之善自有所不能已。爾嗚呼聖人於復之卦。所以贊其可以見天地之心。而又以為德之本者。其不以此與復齋記先生云看來。天地中間此氣升降上下。當分為六層。十一月冬至自下面第一層生起。直到第六層上。至天為四月。陽氣才生足便消下面陰氣。便生只是這一氣升降循環不已。往來乎六層之中也。或問月令中天氣下降。地氣上騰。此又似天地之氣相交合否。曰只是這一氣。陽極則陽消而陰生。陰極則陰消而陽生。天氣下降便是冬至。復卦之時。陽氣在下面生起。故云下降。或曰如此則陰是消於上而陽生於下。都不見得。

天氣下降曰也須一轉則陽氣在下故從下生也今以
天運言之則一月日自運一匝然又有那大轉底時候
蓋天本是箇大底物須大着心胸看不可拘一不通也
易說復卦便是一大翻轉底艮卦艮卦便是兩箇翻轉
復卦復是五陰下一陽艮是二陰上一陽陽是動底物
事陰是靜底物事凡陽在下便是震動底意思在上則
沒去處了只得止
纂註 李氏舜臣曰承剝之後而一陽
故曰艮其止 賀孫 來復乃生生之本也天地之運
一息不留剝終復始不容少緩若稍遲不及則生理息
也○李氏過曰一陽在內天地之心性善之端也故六
爻以復善為義初復之始始而知復下至於悔○南軒
張氏曰復之初九震體也微動之時也當是時而能復
焉則去无妄不遠矣及其守之固居之安則纖毫不
萌即无妄也即誠也即天之道也即聖人之心也
六

二休復吉

○音訓休
陸虛虬反

集解

程子曰二雖陰爻處中正而
切比於初志從於陽能下仁

也復之休美者也復者復於禮也復禮則為仁初陽復
復於仁也二比而下之所以美而吉也○朱子曰柔順
中正近於初九而能下附錄朱子語初爻為仁之體六
之復之休美吉之道也二爻能下之謂下附於仁
者學莫便於近乎仁既得仁者而親之資其善纂註李
以自益則力不勞而學美矣故曰休復吉○
舜臣曰休息也所以養初九之陽也二於初下比而
休息之度其不可抗扶持愛護之以遂其復故吉六

三頻復厲无咎

也○音訓頻陸氏曰如字本又作顚顚眉
鄭作卑音同馬云憂頻也晁氏曰案

早古文頻字

集解

程子曰三以陰躁處動之極復之頻
數而不能固者也復貴安固頻復頻

失不安於復也復善而屢失危之道也聖人開遷善之
道與其復而危其屢失故云厲无咎不可以頻失而戒
其復也頻失則為危屢復何咎過在失而不在復也○
朱子曰以陰居陽不中不正又處動極復而不固屢失

屢復之象屢失故危復纂註楊氏萬里曰頻復非危頻

則无咎故其占又如此纂註過為危復義故无咎聖人

危其頻過故曰厲以警之開六四中行獨復集解曰此

其頻復故曰无咎以勸之

爻之義最宜詳玩四行羣陰之中而獨能復自處於正

下應於陽剛其志可謂善矣不言吉凶者蓋四以柔居

羣陰之間初方甚微不足以相援无可濟之理故聖人

但稱其能獨復而不欲言其獨從道必凶也曰然則不

言无咎何也曰以陰居陰柔弱之甚雖有從陽之志終

不克濟非无咎也○朱子曰四處羣陰之中而獨與初

應為與眾俱行而獨能從善之象當此之時陽氣甚微

未足以有為故不言吉然理所當然吉凶非所論也董

子曰仁人者正其義不謀其利明其道纂註王氏曰上

不計其功於剥之六三及此爻見之

陰而處得中履得其位而應於初獨得所復○齊氏曰

中者隨時取義非一定之謂也就上下二卦則二五為

中就五陰爻則四為中此所謂時中○郭氏雍曰剥之六三與復之六四反對其義相類故在剥則取其失上

下以應陽在復則六五敦復无悔集解程子曰六五以取其獨復以從道

位能敦篤於復善者也故无悔雖本善戒亦在其中矣陽復方微之時以柔居尊下復无助未能致亨吉也能

无悔而已○朱子曰以中順居尊而纂註蔡氏曰敦厚當復之時敦復之象无悔之道也

初无繫而處位得中能自厚於復者故无悔○李氏舜臣曰易中陽長之卦凡在上陰柔之主則未嘗不附而

順之无所於逆故復為一陽之長而六五則以敦復无悔臨為二陽之長而六五則以知臨為宜泰為三陽之

長而六五則以帝乙歸妹為祉大壯為四陽之長而六五則以喪羊于易无悔諸卦六五爻大率皆以下順陽

剛而得居上之體作易者當陽長之世上六迷復凶有以此垂訓要之皆所以為君子地云耳

災青用行師終有大敗以其國君凶至于十年不克征

○音訓災今本作災陸氏曰又作災鄭作裁案說文裁正字也災或字也災籀文也晁氏曰案古文作狄青陸

氏曰生領反下卦同子夏云傷害曰災妖祥曰青鄭云異自内生曰青自外曰祥害物曰災

集解

程子

曰以陰柔居復之終終迷不復者也迷而不復其凶可知有災青災天災自外來青己過由自作既迷不復善在己則動皆過失災禍亦自外而至蓋所招也迷道不復无施而可用以行師則終有大敗以之為國則君之凶也十年者數終至于十年不克征謂終不能行既迷於道何時而可行也○朱子曰以陰柔居復終終迷不復之象凶之道也故附錄程子語質夫云頻復不已遂其占如此以猶及也附錄至迷復○朱子語問上六迷復至于十年不克征何如曰過而能改則亦可以進善迷而不復自是无說所以无往而不凶凡言十年三歲

皆是有箇象方說若三歲猶是有
箇期限到十年便是无說了有
纂註馮氏椅曰災傷

國謂上卦坤君謂六五十年坤之極數雖久如此不能
行也○雙湖先生曰師坤為衆之象○呂氏曰處卦之
終最遠於陽迷而不反者也○徐氏曰上六位高而无
下仁之美剛遠而失遷善之機厚極而有難開之蔽柔
終而无改過之勇是昏迷而不知復者也○南軒張氏
曰易之爻辭鮮有如是之詳其凶鮮有如是之極者而
獨於復之上六言之蓋自亡家覆國反道敗德无所不
在其源蓋起於一念之微不能制過之爾夫以陰柔之
才去本之遠所謂人欲肆而天理滅者故有大敗終凶
之戒也○饒氏曰復卦辭專以氣數言爻辭專以人事
言以氣數則復有必亨之理如出入无疾朋來无咎皆
是復之亨處其所以然者以反復其道七日來復故也
此是氣數之常自然如此若以人事言則須不遠復與
休復方吉敦復方无悔獨復亦可以免凶咎若頻復則

雖厲而亦可以无咎迷復則必至於凶而有災眚矣此
皆人事所致君子不可不慎也○丘氏曰復六爻有動
而即復者初之不遠復是也有屢失屢復者六三之頻
復是也有終身不復者上六之迷復是也有資人而復
者二之休復下仁四之獨復從道是也有不資人而復
者六五之敦復自考是也初為明敵之君子知過則改
上也二四為樂善之賢者舍己從人次也六五為不踐
迹之善人自厚其身又其次也六三為改過不勇之人
復而失失而復抑又其次也上六則物慾沉滯本心
喪失下愚不移者也尚何復之可言哉民斯為下矣大

象傳雷在地中復先王以至日閉關商旅不行后不省

方○音訓商旅陸氏曰鄭云集解程子曰雷者陰陽相

資貨而行曰商旅客也

薄而戒聲當陽之微

未能發也雷在地中陽始復之時也陽始生於下而甚

微安靜一作順而後能長先王順天道當至日陽之始

生安靜以養之故閉關使商旅不得行人君不省視四方觀復之象而順天道也在一人之身亦然當安靜以養其陽也○朱子曰安靜以養微陽也附錄程子語聖月令是月齋戒掩身以待陰陽之所定人无一事不順天時故至日閉關陳氏拾遺○朱子語一陽來復與雷在地中只是一義蓋陽生於閉藏之中至微而未可有為之時也答徐彥章至日閉關正是於已動之後要以安靜養之蓋一陽初復陽氣甚微勞動它不得故當安靜以養微陽如人善端初萌正欲靜以養之方能盛大鉢問陽始生甚微安靜而後能長故復之象曰先王以至日閉關人於迷途之復其善端之萌亦甚微故須莊敬持養然後能大不然復亡之矣曰然又曰古人所以四十強而仕者前面許多年亦且養其善端若一下便出來與事物滾了豈不壞事賀孫萬物職職其生不窮孰其尸之造化為工陰闔陽開一靜一動於穆无疆全體妙用奚獨於斯潛陽壯陰而曰昭哉此天地心

蓋翕无餘斯闢之始生意翦然具此全美其在于人曰
性之仁歛藏方寸包括无垠有茁其萌有惻其隱于以
充之四海其準曰惟茲今眇綿之間是用齋戒掩身閉
關仰止義圖稽經叶傳敢贊一辭以詔无倦復卦贊朱
光徧炎宇微陽眇重淵寒威閉九野陽德昭窮泉文明
昧謹獨昏迷有開先幾微諒難忽善端本綿綿掩身事
齋戒月令夏至冬至君子皆齋戒處必掩身及此防未
然此二句兼冬至夏至說閉關息商旅所以養陽氣也
絕彼柔道牽所以絕陰氣易始之初六繫于金柅是也
咸興詩銖問本義安靜以養微陽安靜二字還有分別
否曰作纂註馮氏椅曰至日日南至也后天子諸侯之
一字看通稱省方巡省四方也關而閉之商旅則
不使行於塗為天子諸侯者不省四方凡以養陽之稱
也孔子言先王以見其時之不然矣○潘氏曰閉關所
以體坤之闔戶也○雙湖先生曰案朱氏叢說謂考之
夏小正十一月萬物不通則至日閉關后不省方夏之

制也若然則夫子所謂先王指夏商之先王矣

彖傳復亨剛反

○音訓剛反陸氏曰絕句集

解朱子曰剛

附錄

朱子語問剛反當作一句曰然此二字是解復亨下云動而以順行是解出

入无疾以下大抵彖辭解得易極分明子細尋索儘有條理時舉

動而以順行是以出

入无疾朋來无咎集解

程子曰復亨謂剛反而亨也陽剛消極而來反既來反則漸長

盛而亨通矣動而以順行是以出入无疾朋來无咎以卦才言其所以然也下動而上順是動以順行也陽剛反而順動是以得出入无疾朋來而无咎也

反復其道

七日來復天行也

○音訓復陸氏曰方

集解

朱子曰陰陽消息天

也運然**附錄**

朱子語彖曰反復其道當連下句○反復其道七日來復天行也消長之道自然如此故

曰天行處陰之極亂者復治往者復還凶
者復吉危者復安天地自然之運也利有攸往剛

長也

○音訓長

陸丁丈反

集解朱子曰以卦體而

纂註

雙湖先生曰剛長則

自復而臨而泰而壯夫至於乾其勢自不容禦矣○丘
氏曰剛反謂方復之初剛長謂已復之後○愚聞之先
君子之言曰自外而入者曰來自內而出者曰往疾之
者衆則未可往无疾則利於往矣消息盈虛天命之自
然而君子不謂命也上文言出入无疾而後朋來朋來
而後无咎蓋常不敢以天命之自來者為幸而深以人
情之難測者為憂何也來者微而疾其來者衆也來者
微則豈可遽以自幸疾其來者衆則豈可不善於自養
哉復其見天地之心乎集解程子曰其道反復往來迭
來復者天地之運行如是也消長相因天之理也陽剛
君子之道長故利有攸往一陽復於下乃天地生物之

心也先儒皆以靜為見天地之心蓋不知動之端乃天地之心也非知道者孰能識之○朱子曰積陰之下一陽復生天地生物之心幾於滅息而至此乃復可見在人則為靜極而動惡極而善本心幾息而復見之端也程子論之詳矣而邵子之詩亦曰冬至子之半天心无改移一陽初動處萬物未生時玄酒味方淡大音聲正希此言如不信更請問包犧

附錄

程子語復其見天地之心一言以蔽之天

地以生物為心陳氏拾遺復者反本也本有而去之今來復乃見天地之心也乃天理也此賢人之事也拾遺復卦非天地之心復則見天地之心聖人无一作未嘗復故未嘗見其心語錄人說復其見天地之心皆以謂至靜能見天地之心非也復之卦下面一畫便是動也安得謂之靜自古儒者皆言靜見天地之心唯某言動而見天地之心或曰莫是於動上求靜否曰固是然最難安節或曰先生於喜怒哀樂未發之前下動字下靜

字曰謂之靜則可然靜中須有物始得這裏便一作最是難處學者莫若且先理會得敬能敬則自知此矣○朱子語問復見天地之心曰復未見造化而造化之心於此可見可學問天地之心雖靜未嘗不流行何為必於復乃見天地之心曰三陽之時萬物蕃新只見物之盛大天地之心却不可見惟是一陽初復萬物未生冷冷靜靜而一陽既動生物之心闢然而見雖在積陰之中自掩藏不得此所以必於復見天地之心也錄又曰要說得見字親切蓋此時天地之間无物可見天地之心只有一陽初生淨淨潔潔見得天地之心在此若是三陽發生萬物之後則天地之心盡散在萬物不能見得如此端的○問復見天地之心曰十月純陰為坤卦而陽未嘗无也以陰陽之氣言之則有消有息以陰陽之理言之則无消息之間學者體認此理則識天地之心固在我之心不可有間斷也過問復其見天地之心盖生理初未嘗息但到坤時藏伏在此至復乃見其動

之端否曰不是如此這箇只是就陰陽動靜闔闢消長
處而言如一堆火自其初發以至漸漸發過消盡為灰
其消之未盡處固天地之心也然那消盡底亦天地之
心也但那箇不如那新生底鮮好故指那接頭再生者
言之則可以見天地之心親切如云利貞者性情也一
元之氣亨通發散品物流形天地之心盡發在品物上
但叢雜難看及到利貞時則萬物悉已收斂那時只有
箇天地之心丹青著見故云利貞者性情也正與復其
見天地之心相似康節云一陽初動處萬物未生時蓋
萬物生時此心非不見也但天地之心悉已布散叢雜
无非此理呈露到多了難見若會看者能於此觀之則
所見无非天地之心矣惟是復時萬物皆未生只有一
箇天地之心昭然著見在這裏所以易看也獨天地之
心未嘗无但靜則人不得而見爾○復非天地心復則
見天地心此語與所以陰陽者道之意不同但以易傳
觀之則可見矣蓋天地以生物為心而此卦之下一陽

爻則天地所以生物之心也至於復之得名則以此陽之復生而已猶言臨泰大壯夬也豈得遂持此名以為天地之心乎但於其復而見此一陽之萌於下則是因其復而見天地之心耳答吳翌復見天地心此須通動靜陰陽善惡觀之見得各是一理而此意无所不通始盡其曲折耳學者工夫則只如易傳所說知其不善則速改以從善此是要約處承問及復卦之說如所論固善然亦有說蓋陰陽生殺固無間斷而亦不容並行且如人方窮物欲豈可便謂其間天理无少間斷而且肆其欲哉要須窮欲之心滅息然後天理乃得萌耳程夫子所謂天地間雖无截然為陰為陽之理然其升降殺生之大分不可无也此語最為完備然陰陽動靜是造化之機不能相无者若善惡則有真妄之分人當克彼以復此然後可耳並答王遇伊川言一陽復於下乃天地生物之心一段蓋謂天地以生生為德自元亨利貞乃生物之心也但其靜而復乃未發之體動而通焉

則已發之用一陽來復其始生甚微固若靜矣然其實動之機其勢日長而萬物莫不資始焉此天命流行之初造化發育之始天地生生不已之心於是而可見矣若其靜而未發則此心之體雖无所不在然却有未發見處此程子所以以動之端為天地之心亦舉用以該其體耳問程子言先儒皆以靜為見天地之心不知動之端乃天地之心動處如何見得曰這處便見得陽氣發生其端已兆於此春了又冬冬了又春都從這裏發去事物間亦可見只是這裏見得較親切鄭兄舉王輔嗣說寂然至无乃見天地心曰他說无是胡說若靜處說无不知下面一畫作甚麼寓問動見天地之心固是不知在人可以主靜言之否曰不必如此看這處在天地則為陰陽在人則為善惡有不善未嘗不知知之未嘗復行不善處便是陰知處便屬陽上五陰下一陽是當沉迷蔽固之時忽然一夕省覺便是動處齊宣王與甲兵危士臣搆怨於諸侯可謂極矣及其不忍殺觶

即見善端之萌肯從這裏做去三王事業何患不到禹
問程先生言動之端乃天地之心竊謂十月純坤不為
无陽天地生物之心未嘗間息但未動耳因動而生物
之心始可見答曰十月陽氣收斂一時關閉得盡天地
生物之心固未嘗息但无端倪可見惟一陽動則生意
始發露出乃始可見端倪也言動之頭緒於此處起於
此處方見得天地之心也錄問程子以動之端為天地
之心動乃心之發處何故云天地之心曰此須就卦上
看上坤下震坤是靜震是動十月純坤當貞之時萬物
收斂寂无蹤跡到此一陽復生便是動然不直下動字
却云動之端端又從此起雖動而物未生未到大段動
處凡發生萬物却是從這裏起豈不是天地之心淳程
先生說天地以生物為心最好此乃是无心之心也人
傑道夫言向者先生教思量天地有心无心近思之固
謂天地无心便是天地之心若使其有心必有思慮有
營為天地曷嘗有思慮來然其所以四時行百物生者

蓋以其合當如此便如此不待思惟此所以為天之道
曰如此則易所謂復其見天地之心正大而天地之情
可見又如何如公所說祇說得他无心處耳若果无心
則須牛生出馬桃樹上發李花他又却自定程子曰以
主宰謂之帝以性情謂之乾他這名義自定心便是他
箇主宰處所以謂天地以生物為心中間敬夫以為某
不合如此說某謂天地別无勾當只是以生物為心一
元之氣運轉流通略无停間只是生出許多物事而已
道夫天下之物至微至細者亦皆有心只是有无知覺
處耳且如一草一木向陽處便生向陰處便憔悴他有
箇好惡在裏至大而天地生許多萬物運轉流通不停
一息四時晝夜恰似有箇物事積踏恁地去天地自有
箇无心之心復卦一陽生於下這便是生物之心又如
所謂惟皇上帝降衷于下民天道福善禍淫這便自分
明有箇人在裏主宰相似心是他本領情是他箇意思
又問如何見天地之情荅曰人正大便也見得天地之

情正大天地只是正大未嘗有些子邪處又曰且如今
言藥性熱藥何嘗有性只是他所主恁地道夫天地以
生物為心者也雖氣有闔闢物有盈虛而天地心則亘
古亘今未始有毫釐之間斷也故陽極於外復生於內
聖人以為於此可以見天地之心焉蓋其復者氣也其
所復者則有自來矣向非天地之心生生不息則陽之
極也一絕而不復續矣尚何以生於內而為闔闢之无
窮乎荅敬夫可學問靜亦是心而心未見曰固是但又
須靜中含動意始得又曰上五陰亦不可說无說无便
死了无復生成之意如何見其心可學來教云天地之
心不可測識惟於一陽來復乃見其生生不窮之意所
以為仁也某謂若果如此說則是一陽來復以前別有
一截天地之心漠然无生物之意直到一陽之復見其
生生不窮然後謂之仁也如此則體用乖離首尾衡決
成何道理王弼之說便是如此所以見闔闢於程子也須
知元亨利貞便是天地之心而元為之長故曰大哉乾

元萬物資始便是有此乾元然後萬物資之以始非因萬物資始然後得元之名也。答何錫問復以動見天地之心而主靜觀復者又何謂。答曰：復固是動，主靜是所以養其動，動只是這靜所養底。一陽動便是純坤月養來曰：此是養之於未動之前否。答曰：此不可分前後，但今日所積底便為明日之動。明日所積底便為後日之動。只管恁地去觀復，是老子語。儒家不說老子愛說動靜萬物並作，吾以觀其復，謂萬物動作有歸根時。吾只觀他復處。陳淳夫問：今寂然至靜在此，若一念之動，此便是復否。曰：恁地說不盡。復有兩樣：有善惡之復，有動靜之復。兩樣須自不相須。須各看得分曉。終日營營與萬物並馳，忽然有惻隱是非羞惡之心發見，此善惡為陰陽也。若寂然至靜之中，有一念之動，此動靜為陰陽也。二者各不同，須推教子細。個惡極而善常人之復靜，極而動聖人之復然。常人亦有靜極而動時，節聖人却无那惡極而善底。復煇：天地之心動後，方見聖人之心。

應事接物方見個程子曰聖人无復故未嘗見其心且
堯舜孔子之心千古常在聖人之心周流運行可往而
不可見若言天地之心如春生發育猶是顯著此獨曰
聖人无復未嘗見其心者只為是說復卦繫辭曰復小
而辨於物蓋復卦是一陽方生於羣陰之下如幽暗一
點白便是小而辨也聖人贊易而曰復見天地之心今
人多言惟是復卦可以見天地之心非也六十四卦无
非天地之心但於復卦忽見一陽之復故即此而贊之
耳論此者當知有動靜之心有善惡之心各隨事而看
今人乍見孺子將入井之時此心未動只靜而已衆人
物欲昏蔽便是惡底心及其復也然後本然之善心可
見聖人之心純於善而已所以謂未嘗見其心者只是
言不見其有昏蔽忽明之心如所謂幽暗中一點白者
而已但此等說話只可就此一路看去才轉入別處便
不分明也不可不知謨聖人无復故未嘗見其心者蓋
天地之氣所以有陽之復者以其有陰故也衆人之心

所以有善之復者以其有惡故也若聖人之心則天理
渾然初无間斷人孰得以窺其心之起滅邪若靜而復
動則亦有之但不可以善惡而為言耳荅吳翌上云見
天地之心以動靜言也下云未嘗見聖人之心以善惡
言也易說道夫竊謂聖人之心天地之心也天地之心
可見則聖人之心亦可見況夫復之為卦一陽復於積
陰之下乃天地生物之心也聖人雖无復然是心之用
因時而彰故堯之不虐舜之好生禹之拯溺湯之救民
於水火文王之視民如傷是皆以天地之心為心者也
而謂不可見何哉曰大抵易之言陰陽有指君子小人
而言有指天理人慾而言有指動靜之機而言初不可
以一偏而論如天下皆君子而无小人皆天理而无
慾其善无以加有若動不可以无靜靜不可以无動蓋
造化不能以獨成而或者見其相資而不可相无也遂
以為天下不可皆君子而无小人不能皆天理而无
慾此得其一偏之論只如有不善未嘗不知知之未嘗

復行此賢者之心因復而見者至若聖人則无此故其
心不可見然亦有因其動而見其心者正如公所謂堯
之不虐舜之好生皆是因其動而見其心者道夫伊川
與濂溪說得這復字亦差不同用之云濂溪說復字就
歸處說伊川就動處說所以不同曰然濂溪就坤上說
就回來處說如云利貞者誠之復誠心復其不善之動
而已矣皆是就歸來處說伊川却正就動處說如元亨
利貞濂溪就利貞上說復字伊川就元字頭說復字以
周易卦爻之義推之則伊川之說為正然濂溪伊川之
說道理只一般非有所異只是所上地頭不同以復卦
言之下面一爻正是動如何說靜得雷在地中復云云
看來伊川說較好王弼之說與濂溪同間蓋立冬是十
月初小雪是十月中大雪是十一月初冬至是十一月
中小寒是十二月初大寒是十二月中冬至于之半即
十一月之半也人言夜半子時冬至蓋夜半以前一半
已屬子時今推五行者多不之知然數每從這裏處起

略不差移此所以為天心當是時一陽方動萬物未生
无聲臭氣味之可聞可見所謂玄酒味方淡大音聲正
希也道夫問天心无改移謂何曰年年歲歲是如此月
月日日是如此錄一陽初動處萬物未生時此是欲動
未動之間如見赤子入井之初方怵惕惻隱而未成怵
惕惻隱之時故冬至子之半是康節常要就中間說子
之半則是未成子方離於亥而為子方四五分常要說
陰陽之間動靜之間與周程之說不同周程只是體用
動靜互換无極康節只要說循環便須指消息動靜之
間而言學蒙敬夫極論復見天地心不可以夜氣為比
其則以為夜氣正是復處固不可便謂天地心然於此
可以見天地心矣易中之意亦初不謂復為天地心也
若錫存養是靜工夫省察是動工夫其靜時思慮未萌
知覺不昧乃復所謂見天地之心靜中之動也其動時
發皆中節止於其則乃艮之不獲其身不見其纂註張
人動中之靜也窮理讀書皆是動中工夫木之纂註子

曰復見天地心咸恒遯壯見天
地之情心隱於微情發乎顯

小象傳不遠之復以修

身也集解

程子曰不遠而復者君子所以修其身之道也學問一无問字之道无它也唯其知不善

則速改以附錄朱子語先生舉易傳語惟其知不善則從善而已附錄朱子語先生舉易傳語惟其知不善則

休復之吉以下仁也

○音訓以下仁也陸氏曰如字王肅云下附於仁徐戶嫁反集

解

程子曰為復之休美而吉者以其能下仁也仁者天

也

附錄朱子語問休復之吉以下仁也曰初爻為仁人

之體六二爻能下謂附下於仁者學莫便於近

乎人既得仁者而親之資其善以自益纂註徐氏曰仁

則力不勞而學美矣故曰休復吉

纂註

謂初剛剛

復于下在人則惻隱之心仁之端也初不遠復二從初而復故曰以下仁也○南軒張氏曰易三百八十四爻

未嘗言仁此獨言之夫子蓋有深旨克己復禮為仁克其私心復其天理所以為仁二去初未遠上為係應能體泰為復所以為下仁也至四但言以從道也而不謂之仁矣蓋道者舉其大凡不若仁為切至也○李氏閏祖曰天下之公是一毫私心善之本是萬善從此出○真氏曰伊川語錄中說仁者以天地萬物為一體說得太寬无捉摸處易傳只云四德之元猶五常之仁偏言則一事專言則包四者又云仁者天下之公善之本也易傳只此兩處說仁極平正確實學者且當玩此此是程子手筆也

頻復之屬義无咎

也集解

程子曰頻復頻失雖為危屬然復善之義則无咎也

中行獨復以從道也

集解

程子曰稱其獨復者以其從陽剛君子之善道也

纂註

石氏曰處上下四陰之中故曰中行

非得中道也不從其類而下應初故曰獨復從道者從初九也○王氏宗傳曰初九一陽尚微六二比之而下

仁六四應之而從道敦復无悔中以自考也

○音訓考陸氏曰鄭云考成也向云察也

集解

程子曰以中道自成也五以陰居尊處中而體順能敦篤其志以中道自成則可以无悔也自成謂

成其中順之德○

迷復之凶反君道也集解

程子曰復則合道既

迷於復與道相反也其凶可知以其國君凶謂其反君道也人君居上而治衆當從天下之善乃迷於復反君

之道也非止人君凡人迷於復者皆反道而凶也

纂註

劉氏彌邵曰動靜天道之復也善惡人道之復


也故彖象言動靜之復六爻皆言善惡之復復者剛之反也自五及初皆以從剛為復五之自考不如四之從道四之從道不如二之下仁二之下仁不如初之修身三頻復雖危猶知復也上迷復反道則不知復矣


周易經傳集程朱解附錄纂註卷五

謹案第十一頁前四行坤兌合萃刊本兌訛艮今
改

第十二頁後八行方士繇刊本土訛亡今改

第三十一頁後五行又音牋刊本又訛及案文改
第四十六頁前五行必萋斐浸潤以侵蝕之刊本
斐訛菲據詩經改





總校官庶吉士 臣張能照

校對官檢討 臣王鍾健

謄錄貢生 臣李敬敏